

بوسني

Sažetak

Nastavni plan i program
za početnike



مركز اصول
Osoul Center
www.osoulcenter.com



Sažetak

Nastavni plan i program za početnike



ح) جمعية الدعوة والإرشاد وتوعية الجاليات بالربوة، ١٤٤٤هـ

فهرسة مكتبة الملك فهد الوطنية أثناء النشر

مركز أصول

الوجيز : تعليم ضفي للمسلم الجديد باللغة البوسنية. / مركز

أصول - ط ١ . - الرياض، ١٤٤٤هـ

١٢٢ ص ، ٢١ X ٢٩.٧ سم

ردمك: ٥-٧٤-٨٣٨٢-٦٠٣-٩٧٨

١- الإسلام . أ. العنوان

١٤٤٤/١٠٥٢٦

ديوي ٢١٠

رقم الإيداع : ١٤٤٤/١٠٥٢٦

ردمك: ٥-٧٤-٨٣٨٢-٦٠٣-٩٧٨

بِسْمِ اللَّهِ الرَّحْمَنِ الرَّحِيمِ

U ime Allaha, Milostivog, Samilosnog!

Uvod

Hvala Allahu, Koji nas je uputio u islam, usmjerio nas na put spasa, poslao nam najodabranije od nas – Allahove poslanike, neka su na njih Allahov mir i spas! Raduje nas što ti možemo predstaviti ovaj projekat, kurs islama, koji za cilj ima da te poduči islamu, vjeri istine, da ti pojasni teoriju i praksu, i dovede te do spoznaje istinske vjere, i da ti olakša obavljanje vjerskih propisa.

Upoznat ćemo vas sa sljedećim temama:

1. Sažeti prikaz vjere islama
2. Uopćeni pregled Kur'ana plemenitog sa pojašnjenjem nekoliko kraćih kur'anskih sura
3. Sažeti prikaz obavljanja obaveznih vjerskih obreda
4. Sažeti prikaz najvažnijih propisa lijepog ponašanja i međuljudskih odnosa

Sve nastavne cjeline razrađene su kroz nastavni plan i program koji će se izvoditi tokom šest dana i svako predavanje vremenski je određeno. Kurs je uređen tako da polaznik kroz teoriju i praksu ovlada određenim gradivom i na kraju svake cjeline putem odgovora na postavljena pitanja može sam sebe da testira.

Pored test-pitanja. tokom kursa polaznik se susreće i sa drugim vizuelnim pomagalima koja olakšavaju bolje pamćenje, a to su:



Ova boja označava važnost ove informacije i mogućnost srodnog pitanja na kraju lekcije.



Ova napomena odnosi se na pojašnjenje riječi u tekstu.

Diskusija



Ovaj dio odnosi se na diskusiju između učitelja i učenika s ciljem razvijanja vlastitog mišljenja i izvođenja zaključaka.



Dodatak gradivu

Više informacija na ovu temu potražite na predavanjima u organizaciji centra "Usul"



Vježba

Sastoji se od interaktivnih aktivnosti koje se temelje na razmišljanju, dedukciji ili pamćenju.

Dobro nam došli na ovo uzbudljivo obrazovno putovanje...

Obrazovni plan

Nastavni čas	Paragrafi	Vrijeme
Prvi dan		
Prvi čas	Uvod <ol style="list-style-type: none">1. Uvod i uputstva2. Egzistencijalna pitanja3. Blagodat upute	10 minutes
	Islam <ol style="list-style-type: none">1. Šta je islam2. Zašto da prihvatim islam3. Univerzalnost islama4. Islam briše počinjene grijeha5. Islam je posljednja vjera6. Poslanstvo Muhammeda7. Kriteriji dobročinstva u islamu8. Učenje vjere predstavlja stub islama	30 minutes
	Kako se postaje musliman <ol style="list-style-type: none">1. Dva šehadeta2. Značenje šehadeta3. Vrijednost šehadeta	20 minutes
Odmor		
Drugi čas	Kako se uzima abdest (praktično)	20 minutes
	Kako se obavlja namaz (praktično)	20 minutes
	Učenje napamet sure El-Fatiha i njezino značenje	20 minutes

**Dnevnik
prvog
dana**



Nastavni čas	Paragrafi	Vrijeme
Drugi dan		
Prvi čas	Šta je iman, vjerovanje Temelji vjerovanja: <ol style="list-style-type: none"> 1. vjerovanje u Allaha, 2. vjerovanje u meleke, 3. vjerovanje u objavljene knjige, 4. vjerovanje u poslanike, 5. vjerovanje u Sudnji dan, 6. vjerovanje u određenje. 	20 minutes
	Plodovi vjerovanja Kur'an plemeniti <ol style="list-style-type: none"> 1. Šta je Kur'an 2. Kur'an je hrana za dušu i razum 3. Kur'an je životni program 4. Kur'anska kazivanja o poslanicima 	20 minutes
	Učenje napamet sure El-Ihlas i njezino značenje	20 minutes
Odmor		
Drugi čas	Obredi: <ol style="list-style-type: none"> 1. Šta su to ibadeti, obredi 2. Uvjeti koji se moraju ispuniti da bi obredi bili primljeni 3. Vrste obreda 	15 minutes
	Čistoća Vrste čistoća <ol style="list-style-type: none"> 1. Stvarna čistoća: uvjeti na kojima se zasniva čistoća, vrste nečistoća, otklanjanje nečistoće, obavljanje fizioloških potreba 2. Imaginarna čistoća: otklanjanje stanja imaginarne nečistoće (pod ovim se podrazumijeva stanje nakon spolnog odnosa, nakon mjesečnog pranja ili poroda), način korištenja vode za otklanjanje imaginarne nečistoće 	45 minutes

Dnevnik drugog dana



Nastavni čas	Paragrafi	Vrijeme
Četvrti dan		
Prvi čas	Učenje napamet sure El-Kafirun i razumijevanje značenja	20 minutes
	Kako da obavim namaz (praktičan primjer) <ol style="list-style-type: none"> 1. Šta je to namaz 2. Zašto se obavlja namaz 3. Značaj namaza 4. Uvjeti za namaz 5. Pet dnevnih i noćnih namaza 6. Kako da obavim namaz? 	40 minutes
Odmor		
Drugi čas	Namaz <ol style="list-style-type: none"> 1. Formiranje safova u namazu 2. Džuma-namaz 	60 minutes

**Dnevnik
četvrtog
dana**



Handwriting practice area with multiple horizontal lines for writing. The background is decorated with faint Islamic icons such as a mosque, a crescent moon, a person in prayer, and a book.

Nastavni čas	Paragrafi	Vrijeme
Peti dan		
Prvi čas	Učenje napamet sure El-Kevser i razumijevanje značenja	20 minutes
	Zekat 1. Šta je zekat 2. Zašto se daje zekat 3. Kako se daje zekat	20 minutes
	Post 1. Šta je post 2. Zašto postimo 3. Šta kvari post 4. Kome je dozvoljeno da ne posti u mjesecu ramazanu	20 minutes
	Hadž 1. Šta je hadž 2. Zašto obavljamo hadž 3. Ko je dužan da obavi hadž	10 minutes
Odmor		
Drugi čas	Učenje napamet sure El-Asr i razumijevanje značenja	20 minutes
	Odjevanje 1. Uvjeti odijevanja 2. Zabranjena odjeća	30 minutes
	Hrana i piće 1. Polazni principi za hranu i piće 2. Zabranjena hrana i piće 3. Koji su to vjerski propisi u stjecanju opskrbe? 4. Propisi klanja životinja koji se odnose na restorane i markete	30 minutes

Dnevnik petog dana



Nastavni čas	Paragrafi	Vrijeme
Šesti dan		
Prvi čas	Poslovni i materijalni odnosi 1. Šta se podrazumijeva pod poslovnim i materijalnim odnosima 2. Polazni principi u poslovno-materijalnim odnosima 3. Zabranjeni poslovni i materijalni odnosi	
	Moral 1. Moral u islamu 2. Vrijednost lijepog ponašanja 3. Primjeri lijepog ponašanja u islamu	
Odmor		
Drugi čas	Ponavljjanje naučenih kur'anskih sura	
	Ponavljjanje lekcija o abdestu i namazu	

Dnevnik petog dana



Handwriting practice area with ten sets of horizontal lines (top, middle, bottom) on a light yellow background. The background is decorated with faint, repeating icons of Islamic symbols such as mosques, minarets, crescents, hands, and people in prayer.

Temelji života

Prvi temelj

Vjera islam

- 1 Islam i veličanstvena pitanja 16
- 2 Šta je islam 20
- 3 Kako da primim islam? 26
- 4 Vjerovanje 30



Drugi temelj

Kur'an plemeniti

- 1 Upoznaj se sa Kur'anom 38
- 2 Tumačenje kratkih sura 44



Treći temelj

Obredoslovlje

1	Ibadet	54
2	Čistoća	58
3	Abdest	62
4	Kupanje	68
5	Propisi vezani za ženu	72
6	Namaz	76
7	Zekat	84
8	Post	88
9	Hadž	92



Četvrti temelj

Propisi islama

1	Odijevanje	100
2	Jelo i piće	104
3	Poslovni i materijalni odnosi	108
4	Moral	112





Prvi temelj

Vjera islam



Nastavne jedinice

- 1 Islam i veličanstvena pitanja
- 2 Šta je islam
- 3 Kako da primim islam?
- 4 Vjerovanje





Prvo predavanje

Islam i veličanstvena pitanja

Uvod

Od trenutka svog postanka, čovjek sam sebi postavlja mnoga pitanja: kako je stvoren, od čega je stvoren, zašto je stvoren i kakva je svrha njegovog postojanja na ovome svijetu. Na sva ova pitanja islam je dao sveobuhvatne odgovore.

Prvo pitanje

Ko smo mi?

Islam nas uči da je čovjek samo jedno od mnogih Allahovih stvorenja, ali koje se odlikuje po određenim osobinama u odnosu na druga stvorenja. Sva druga Allahova stvorenja potčinjena su čovjeku da mu olakšaju ispunjenje životnih obaveza.


Uzvišeni kaže: "Mi smo sinove Ademove, doista, odlikovali; dali smo im da kopnom i morem putuju, i opskrbili ih ukusnim jelima, i dali im velike prednosti nad mnogima koje smo stvorili." (El-Isra, 70).

Allah Uzvišeni podario je čovjeku sličnost:

- sa melecima u pogledu čistoće i obredoslovlja,
- sa šejtanima, u pogledu nezahvalnosti i neposlušnosti,
- sa životinjama, u pogledu zadovoljenja prohtjeva.

Allah je čovjeku ostavio slobodnu volju u pogledu činjenja dobra, ali i činjenja zla, podarivši mu razum da zna napraviti razliku između toga dvoga.

Podario mu je slobodu izbora, ali i odgovornost u pogledu toga šta odabere.



Meleki su Allahova stvorenja, koja je On stvorio od svjetla, časne sluge koje ne čine nepokornost Allahu Uzvišenom, koji izvršavaju ono što im je naređeno, a klone se onoga što im je zabranjeno, i niko ne zna njihov broj osim Allah Uzvišeni.

Drugo pitanje

Odakle smo došli i zašto?


Islam nas uči da je zemlja osnova od koje je stvoren čovjek. Allah je od zemlje stvorio Adema, prvog čovjeka na Zemlji, oca svih ljudi.

Uzvišeni kaže: **“Mi čovjeka od biti zemlje stvaramo.”** (El-Mu'minun, 12)

Svrha stvaranja čovjeka jeste robovanje Allahu Uzvišenom.

Uzvišeni kaže: **“Džine i ljude stvorio sam samo zato da Mi se klanjaju.”** (Ez-Zarijat, 56).

Postoje i drugi razlozi zbog kojih je čovjek stvoren, ali oni su sporedni, kao što je izgradnja i uljepšavanje života na ovome svijetu, uspostavljanje pravde na njemu, širenje dobra. Uzvišeni kaže: **“On vas od zemlje stvara i daje vam da živite na njoj!”** (Hud, 61).



Diskusija

Uporedi svoj život prije primanja islama i nakon primanja islama.



.....

.....

.....

.....

Treće pitanje

Kuda idemo?

Kur'an nam je ukazao na to da će svaki čovjek umrijeti, sa smrću prestaje period rada i počinje period obračuna i nagrade.

Uzvišeni kaže: **“Ti ćeš, zacijelo, umrijeti, a i oni će, također, pomrijeti, i poslije, na Sudnjem danu, pred Gospodarom svojim ćete se jedan s drugim prepirati.”** (Ez-Zumer, 30–31).

Kada čovjek umre, prelazi u fazu u kojoj će biti pitan o svojoj vjeri, i kada će biti nagrađen za svoja djela. Uzvišeni kaže: **“Svako živo biće smrt će okusiti! I samo na Sudnjem danu dobit ćete u potpunosti plaće svoje, i ko bude od Vatre udaljen i u Džennet uveden – taj je postigao šta je želio; a život na ovome svijetu samo je varljivo naslađivanje.”** (Alu Imran, 185).

Kada nastupi Sudnji dan, Allah će proživiti umrle iz njihovih kaburova kako bi se izvršio obračun njihovih djela i kako bi se dodijelile nagrade.

Vjernike će nagraditi Džennetom, a nevjernike Džehennemom. Uzvišeni kaže: **“Eto tako Mi tebi objavljujemo Kur'an, na arapskom jeziku, da bi opominjao Meku i one oko nje i upozorio na Dan kada će se sakupiti – u koji nema nikakve sumnje. Jedni će u Džennet, a drugi u Džehennem.”** (Eš-Sura, 7).



Blagodat upute

Ko spozna mudrost vlastitog stvaranja i veličinu iskušenja koje čeka ljude na Sudnjem danu, neminovno će biti ubijeđen da je najveća blagodat koju Allah može da podari čovjeku – blagodat upute u vjeru istine i usmjerenje ka činjenju dobrih djela.

Zbog toga je Allah naredio vjernicima da prilikom obavljanja molitve traže uputu na pravi put, a to je vjera islam, koja predstavlja vezu sa Allahovim zadovoljstvom.



Diskusija



Jedna od uloga, zadaća čovjeka na ovome svijetu jeste i izgradnja boljeg života na Zemlji. Kako bi mogao što bolje da ispuni ovaj zadatak, Allah je čovjeku podario i mogućnosti za takva djela...

Pojasnite kako čovjek može da gradi ovaj svijet u odnosu na druga Allahova stvorenja.

.....

.....

.....

Navedi neke primjere koji ukazuju na to kuda čovjek može da ide nakon smrti.

.....

.....

.....



Pitanja za utvrđivanje gradiva

1

Kako je islam izdvojio čovjeka u odnosu na sva ostala stvorenja?

.....
.....

2

Šta je cilj stvaranja čovjeka?

.....
.....

3

Zašto je Kur'an detaljno opisao početak stvaranja?

.....
.....

4

Kada čovjek umre, prelazi u fazu u kojoj će biti pitan za svoju vjeru i na osnovu toga bit će nagrađen za svoja djela.

Tačno Netačno

Cilj stvaranja čovjeka jeste izgradnja i uređenje života na Zemlji kako bi na njoj bolje živio.

Tačno Netačno

5

Nakon proučavanja islamskog koncepta ljudskog postojanja:

Opišite svoje osjećaje, da li se to slaže sa vašim osjećajem u srcu?

.....
.....
.....
.....
.....
.....
.....
.....



Drugo predavanje

Šta je islam

Uvod

Islam je vjera koju je Allah objavio preko Svoga poslanika Muhammeda, kao nastavak objava koje su bile date ranijim poslanicima.

Temelji se na tome da jedino Allah zasluđuje da bude obožavan, Jedan Jedini, i da Mu se ne pripisuje drug. On je Allah Uzvišeni, jedini Gospodar, nema posrednika između Njega i Njegovih robova.

Ali, zašto bih ja prihvatio islam? Da li je islam vjera za sve ljude ili samo za Arape? Da li postoji drugi poslanik koji će doći poslije poslanika Muhameda?

Zašto da primim islam?

Neki se ljudi pitaju: "Zašto da prihvatim islam kao svoju vjeru?"

Na to pitanje možemo navesti nekoliko odgovora.

Prvi odgovor: "Zato što je islam vjera koju je Allah Uzvišeni odabrao kao vjeru za ljude koje je stvorio, i neće biti primljena nijedna druga vjera osim islama. Uzvišeni kaže: "A onaj koji želi neku drugu vjeru osim islama, neće mu biti primljena, i on će na onome svijetu nastradati." (Alu Imran, 85).

Drugi odgovor: Vjera islam je vjera svih poslanika. Islam naređuje da se vjeruje u poslanstva svih poslanika i da se ne pravi razlika između njih. Uzvišeni kaže: "Recite: 'Mi vjerujemo u Allaha i u ono što se objavljuje nama, i u ono što je objavljeno Ibrahimu, i Ismailu, i Ishaku, i Jakubu, i unucima, i u ono što je dato Musau i Isau, i u ono što je dato vjerovjesnicima od Gospodara njihova; mi ne pravimo nikakve razlike među njima, i mi se samo Njemu pokoravamo.'" (El-Bekara, 136).

Razlike među poslanicima odnose se isključivo na razlike u pogledu šerijatskih propisa kojima su bili zaduženi njihovi narodi, kao što kaže Slavljani: "Svima vama smo zakon i pravac propisali" (El-Maida, 48). To znači da je Allah svakom narodu propisao zakone po kojima im se sudilo, ukazao im na put kojim su se približavali Allahu, svaki narod imao je svoje posebne propise i zakone koji su njima odgovarali, ali što se tiče vjerovanja, vjerovanje svih poslanika bilo je isto. Zatim je Allah poslao pečat svih poslanika – Muhammeda, neka je na njega mir i spas Božiji, koji je zadnji poslanik, čiji je zakon pečat svim zakonima i Allah ne prima nijednu drugu vjeru osim islama.

Treći odgovor: Prihvatanje islama predstavlja put sreće na ovom svijetu i razlog za uspjeh na budućem svijetu. Na budućem svijetu neće se spasiti niko osim onih koji su vjerovali u riječi Poslanika i postupali u skladu s tim. Uzvišeni kaže: "A onaj koji želi neku drugu vjeru osim islama neće mu biti primljena, i on će na onome svijetu nastradati." (Alu Imran, 85).

Poslanik Muhammed rekao je: "Tako mi Onoga u Čijoj je ruci moj život, koji god čovjek čuje za mene, bio to jevrej ili kršćanin, a zatim umre ne vjerujući u ono sa čime sam poslat, bit će stanovnik Vatre." (Muslim, 153).

Četvrti odgovor: Islam daje sveobuhvatne odgovore na najveća pitanja koja muče svakog čovjeka: Zašto sam došao na ovaj svijet? Odakle sam došao? Gdje idem nakon smrti?

Peti odgovor: Islam je vjera koja se slaže sa čovjekovim instinktom i osjećanjima, jer svaki čovjek duboko u sebi osjeća da Allah postoji i da vjerovanje u Njega čovjeka navodi da svoj moral i ponašanje nastoji maksimalno usavršiti.

Dijalog



Kako je islam vjera svih poslanika?

.....

.....

Neke posebnosti islama

Islam se odlikuje nad ostalim vjerama po mnogim odlikama, a najvažnije su:

1 Islam je vjera za cijelo čovječanstvo

Vjera islam nije objavljena samo za Arape, nego je to vjera koju je Allah Uzvišeni objavio cijelom čovječanstvu. Allah Uzvišeni rekao je poslaniku Muhammedu: "A tebe smo kao milost svjetovima poslali" (El-Enbija, 107).

Allah Uzvišeni podario je da Muhammed bude milost cijelom čovječanstvu, da ih usmjerava na put ispravnog vjerovanja, da obznani sveobuhvatni zakon i pravila po kojima ljudi treba da se vladaju.

Korist

Islam poštuje običaje i tradiciju svakog naroda i ne stavlja im u dužnost da ih mijenjaju osim ako se ne suprotstavljaju nekom od obreda i učenja islama.





2 Prihvatanjem islama poništavaju se do tada počinjeni grijesi

Ako čovjek iskreno prihvati islam, Milostivi i Samilosni Allah oprašta mu sve do tada počinjene grijeha, i ovo je jedna od velikih odlika islama.

Uzvišeni kaže Svome Poslaniku: "Reci onima koji ne vjeruju: ako se okane, bit će im oprošteno ono što je prije bilo." (El-Enfal, 38)

Jednom prilikom neki je čovjek došao kod Poslanika sa namjerom da prihvati islam, ali uz jedan uvjet: da mu se oprostite svi grijesi koje je do tada počinio, pa mu Poslanik reče: "Zar nisi znao da islam poništava sve što je bilo prije?" (Muslim, 121).

3 Islam je pečat svih vjera

Allah je odredio da je vjera islam samo nastavak do tada objavljenih vjera i odabrao je islam da bude vjera svih ljudi do Sudnjeg dana. Danas na Zemlji ne postoji ispravna vjera pored vjere islama. Uzvišeni kaže: "A onaj koji želi neku drugu vjeru osim islama, neće mu biti primljena, i on će na onome svijetu nastradati." (Alu Imran, 85).

Diskusija



Kako odgovoriti onome ko tvrdi da je islam objavljen samo za Arape?

.....

.....

.....

.....

.....

.....

.....

.....

.....

.....

.....

.....

.....

.....

.....

.....

.....

.....

.....

.....

.....

.....

.....

Ko je bio poslanik islama?

Muslimani su ubijeđeni da je poslanik Muhammed pečat svih poslanika, koje je Allah poslao kako bi pozivali ljude da obožavaju samo Njega, Jednog i Jedinog. Uzvišeni kaže: "Muhammed nije roditelj nijednom od vaših ljudi, nego je Allahov poslanik i posljednji vjerovjesnik – a Allah sve dobro zna." (El-Ahzab, 40).

Učenje vjere

- Svaki musliman dužan je da nauči od vjere ono što mu je potrebno kako bi mogao ispravno da vjeruje u Allaha.
- Poslanik nas podstiče da učimo o vjeri, pa nam kaže: "Kome Allah želi dobro, poduči ga propisima vjere" (Buhari, 71).
- Poslanik nam ukazuje na to da je izučavanje vjere jedan od puteva ka Džennetu: "Ko krene putem tražeći znanje, Allah mu olakša put ka Džennetu" (Muslim, 2699).



Dodatak

Ako želite više saznati o životu poslanika Muhammeda, pročitajte knjigu "Muhammed, Allahov poslanik", koja je prevedena na veliki broj svjetskih jezika.



Skenirajte bar kod kako biste preuzeli knjigu.



Danas postoji veliki broj knjiga iz kojih musliman može da se poduči propisima vjere kako bi ispravno obožavao svoga Gospodara, stoga bi bilo lijepo potražiti pomoć učenih ljudi koji bi ga usmjerili na najbolja djela iz raznih oblasti.

Kriteriji podjele u islamu

Allah Uzvišeni uspostavio je kriterije podjele među ljudima koji se zasnivaju na vjerovanju i bogobožnosti. Kriteriji podjele među muslimanima ne zasnivaju se na razlici u tjelesnom izgledu, porijeklu, boji kože, niti veličini imetka koji posjeduju, nego se muslimani međusobno razlikuju po snazi vjerovanja. Uzvišeni kaže: "O ljudi, Mi vas od jednog čovjeka i jedne žene stvaramo i na narode i plemena vas dijelimo da biste se upoznali. Najugledniji kod Allaha je onaj koji Ga se najviše boji, Allah, uistinu, sve zna i nije Mu skriveno ništa." (El-Hudžurat, 13).


Allahov Poslanik kaže: "O ljudi, zar vaš Gospodar nije jedan, zar vaš otac nije jedan? Arap nema prednost nad nearapom, niti nearap nad Arapom, niti prednost ima crveni nad crnim, niti crni nad crvenim, osim po bogobožnosti." (Bejheki, "Dijelovi imana", 4774)

Dijelovi islama

Pet je sastavnih dijelova islama.

Svaki musliman mora da pazi na ove dijelove kako bi ostao ustrajan u svojoj vjeri, jer zapostavljanje jednog od sastavnih dijelova vjere dovodi do slabosti u vjerovanju.

Svaki musliman dužan je da obavlja pet namaza u toku dana i noći.





Pitanja za utvrđivanje gradiva

1

Nakon što pogledate film "Život novog muslimana", razgovarajte o tome šta vas je najviše učvrstilo u islamu.

.....


.....

.....

.....

.....



 Skenirajte bar kod kako biste pogledali video.

2

Koji su to temelji vjere koje musliman mora da poznaje kako bi mogao da ispravno obožava Allaha Uzvišenog?

.....

.....

.....

.....

.....

3

Vjera islam zasniva se na:

- moralu
- znanju
- djelima
- svemu navedenom

Koliko je sastavnih dijelova islama?

- 6
- 5
- 4
- 3

4

Nakon što Allah uputi čovjeka u islam, njegova je obaveza da se poduči temeljima vjere kako bi mogao da Ga ispravno obožava.

- Tačno
- Netačno



Treće
predavanje

Kako da primim islam?

Uvod

Izgovaranjem riječi šehadeta obznanjuje se primanje islama i to su nezaboravni trenuci za čovjeka koji prihvata vjeru islam i postaje musliman. On time obznanjuje prije svega sebi, a i drugima, da od tog trenutka postaje nešto sasvim novo u odnosu na ono što je bio jučer. Od tog trenutka pravi prve korake ka spoznaji i pridržavanju istine. U toku ovog predavanja upoznat ćemo se sa riječima dva šehadeta i njihovim značenjima.

Dva šehadeta

Uzvišeni Allah odredio je da ključ ulaska u islam predstavlja izgovaranje dva šehadeta:


- Svjedočim da nema drugog boga osim Allaha
- i svjedočim da je Muhammed Allahov poslanik.

Šta znače ova dva šehadeta?

Prvo: Značenje riječi "nema drugog boga osim Allaha"

Ove riječi znače: čvrsto vjerujem da nema božanstva koje zaslužuje da bude obožavano pored Allaha, Jednog, Jedinog.

Dva principa ovog šehadeta



Vjera islam, koja je vjera svih poslanika, temelji se na obožavanju Allaha Jedinog, i negiranju svakog drugog božanstva osim Njega. Uzvišeni kaže: "Prije tebe nijednog poslanika nismo poslali a da mu nismo objavili: 'Nema boga osim Mene, zato se Meni klanjajte!'" (El-Enbija, 25).

Ni pod kojim okolnostima nije dopušteno vjerovati u to da postoji drugi bog osim Svemogućeg Allaha i nije dozvoljeno bilo koji vid ibadeta upućivati bilo kome osim Allahu Jedinome.

Drugo: Značenje riječi šehadeta "svjedočim da je Muhammed Allahov poslanik"

Ove riječi znače: čvrsto vjerujem da je Muhammed Allahov poslanik i pečat svih poslanika, da nema poslanika poslije njega, da je njegova poslanica objavljena za sve ljude. Uzvišeni kaže: "Neka je uzvišen Onaj Koji robu Svome objavljuje Kur'an da bi svjetovima bio opomena." (El-Furkan, 1).



Vježba

Nakon što preuzmete knjigu koja govori o poslaniku Muhammedu, dopišite sljedeće tražene informacije:



Skeniraj bar-kod kako bi preuzeo knjigu.



Njegovo ime:	<input type="text"/>
	<input type="text"/>
Porijeklo:	<input type="text"/>
	<input type="text"/>
Datum rođenja:	<input type="text"/>
	<input type="text"/>
Odrastanje:	<input type="text"/>
	<input type="text"/>
Poslanstvo:	<input type="text"/>
	<input type="text"/>
Hidžra:	<input type="text"/>
	<input type="text"/>
Smrt:	<input type="text"/>
	<input type="text"/>
	<input type="text"/>



Smisao dva šehadeta

Nije dovoljno samo jezikom izgovoriti dva šehadeta, nego se mora spoznati njihovo značenje i postupati u skladu s onim na što obavezuju.

Riječima šehadeta "nema drugog boga osim Allaha" negira se postojanje bilo kojeg božanstva pored Allaha Uzvišenog, i iskazuje se vjerovanje u jednog Boga, Allaha, i da samo On zaslužuje da se obožava. Uzvišeni Allah kaže: "Onaj ko ne vjeruje u šejtana, a vjeruje u Allaha – drži se za najčvršću vezu, koja se neće prekinuti." (El-Bekara, 256).


Riječima šehadeta "Muhammed je Allahov poslanik" potvrđuje se vjerovanje u istinitost onoga o čemu nas je Poslanik obavijestio, tako što se izvršava ono što nam je naredio, a ostavlja se ono što nam je zabranio, i Allaha obožavamo samo na način na koji nam je pojasnio.

Diskusija



Zašto nam riječi "nema drugog boga osim Allaha" zabranjuju obožavanje svega drugog osim Allaha?

.....
.....
.....
.....
.....
.....
.....



Razgovarajte sa vašim prijateljima o tome zbog čega ljudi izmišljaju druga božanstva i pozivaju ljude da ih obožavaju.

Jedan od racionalnih argumenata koji je poslanik Ibrahim navodio u raspravi sa svojim narodom bilo je i pitanje: "Kako se možete klanjati onima koje sami klešete?" (Es-Saffat, 95)



Pitanja za utvrđivanje gradiva

1 Ako si spoznao da je Allah Gospodar svemira, da li je to dovoljno za prihvatanje islama?

Tačno Netačno

Da li je dovoljno samo vjerovati u istinitost riječi šehadeta da je Muhammed Allahov poslanik a ne postupati u skladu sa njegovom uputom?

Tačno Netačno

2 Nakon što pogledate video "Ko je Muhammed", diskutujte o aspektima veličine ličnosti poslanika Muhammeda, analizirajte metode kojima su se koristili njegovi protivnici kako bi mu ukaljali ugled.

.....

.....

.....

.....

.....



Učitajte bar kod

3 Nakon što pročitate tekst "Isa u Kur'anu-jesusandquran.com", diskutujte o odnosu poslanika Muhammeda prema poslaniku Isau, neka je na njih mir i spas.

.....

.....

.....

.....

.....



Učitajte bar kod



Četvrto predavanje

Vjerovanje

Uvod

Musliman osjeti smiraj i spokoj svaki put kada uči ajete iz Kur'ana ili kada izvršava neki od ibadeta Allahu Uzvišenom, poput namaza ili nekog drugog ibadeta. To su posebna osjećanja koja nas uzdižu na visoke stepene smirenosti i sreće i predstavljaju plodove imana koji muslimana usmjeravaju da sav svoj život posveti Allahu Uzvišenom, ispunjavajući naredbe sa ljubavlju i željom, i bezuvjetno se kloneći svega što je zabranjeno. Na ovom predavanju upoznat ćemo se sa značenjem, ruknovima i plodovima vjerovanja.

Šta je iman, vjerovanje?

Iman predstavlja čvrsto ubjeđenje i vjerovanje srcem i potvrđivanje jezikom u sve ono što je došlo od Allaha, predanost srca Allahu sa ljubavlju, nadom i strahom, kao i djela udova ispunjavajući Allahove naredbe.

Uzvišeni kaže: "O vjernici, vjerujte u Allaha, i Poslanika Njegova, i u Knjigu koju On Svome Poslaniku objavljuje, i u Knjigu koju je objavio prije. A onaj ko ne bude vjerovao u Allaha, i u meleke Njegove, i u knjige Njegove, i u poslanike Njegove, i u onaj svijet – daleko je zalutao." (En-Nisa, 136)

Diskusija

U čemu je razlika između nade i straha?



.....
.....
.....
.....
.....
.....

Sastavni dijelovi imana

Iman se sastoji od šest dijelova.

- 1 **Vjeronanje u Allaha.** Musliman vjeruje u postojanje Allaha Uzvišenog, i u sva Njegova lijepa imena i svojstva, i da je On Gospodar i Stvoritelj ovog univerzuma, Gospodar svega što je u njemu, Opskrbitelj Svojih robova. Musliman vjeruje da nema drugog boga osim Allaha, Koji zaslužuje da se obožava i da je On potpun u svim svojim svojstvima.
- 2 **Vjeronanje u meleke.** Musliman vjeruje u postojanje plemenitih meleka, u to da je Allah njihov stvoritelj, da oni obožavaju samo Allaha Uzvišenog pokoravajući se Njemu u svim Njegovim naredbama. Musliman vjeruje u osobine i obaveze meleka koje su navedene u Kur'anu i sunnetu.
- 3 **Vjeronanje u objavljene knjige.** Musliman čvrsto vjeruje da je Allah Uzvišeni objavljivao knjige, kitabe, koje je putem Svojih poslanika dostavljao ljudima, u kojima je uputa za ljude, znanje o propisima vjere koje su ljudi dužni usvojiti. Allah je objavio Tevrat poslaniku Musau, sinu Imranovom, Zebur je objavljen Davudu, Indžil je objavljen Isau, sinu Merjeminom, a Kur'an je objavljen poslaniku Muhammedu, i to je zadnja knjiga poslije koje više nema objava.
- 4 **Vjeronanje u poslanike.** Musliman čvrsto vjeruje da je Allah Uzvišeni poslao poslanike njihovim narodima podarivši im nadnaravnosti koje su potvrđivale njihovu istinitost. Poslanici su imali zadatak da obrađuju vjernike, a ponize nevjernike, da poduče svoj narod propisima vjere. Svaki čovjek koji se sretne sa poslanikom dužan je da mu se pokori i da ga slijedi. Posljednji poslanik i pečat svih poslanika jeste Muhammed, neka je na njega mir i spas.
- 5 **Vjeronanje u Sudnji dan.** Musliman vjeruje u Sudnji dan. Toga dana Allah Uzvišeni proživit će umrle iz njihovih kaburova, izvršit će obračun za njihova djela, i na osnovu toga dati im nagrade: neki od njih bit će stanovnici Dženneta, a neki stanovnici Vatre.
- 6 **Vjeronanje u određenje.** Musliman vjeruje da sve što se događa na ovome svijetu, događa se Allahovim određenjem. Svemogući Allah zapisao je u Levhil-mahfuzu – Ploči pomno čuvanoj sve što je Njegovo znanje obuhvatilo, i ništa se ne može desiti bez Njegove odredbe.



Širk, pripisivanje Allahu druga

Širk podrazumijeva vjeronanje u drugo božanstvo mimo Allaha Uzvišenog i upućivanje bilo koje vrste ibadeta tom božanstvu. Širk je najveći grijeh koji Allah neće oprostiti. Uzvišeni kaže: "Allah neće oprostiti da Mu se neko drugi smatra ravnim, a oprostit će manje grijeha od toga kome On hoće. A onaj ko drugog smatra Allahu ravnim čini, izmišljajući laž, grijeh veliki." (En-Nisa, 48)

Pod pojmom "Knjiga i sunnet" podrazumijeva se Kur'an plemeniti i riječi poslanika Muhammeda. Knjiga i sunnet predstavljaju temelj za uspostavu zakona i propisa u islamu.

Levhil-mahfuz je knjiga u koju je Allah Uzvišeni zapisao sudbine svih ljudi sve do Sudnjeg dana.



Određenje
podrazumijeva
Allahovo određenje
stvari i događaja, On
zna kada i kako će se
sve desiti.

Plodovi imana – vjerovanja

Mnogi su plodovi vjerovanja, a navest ćemo neke od njih.

- Smiraj duše. Vjerovanje u Allaha ispunjava dušu smirenošću i zadovoljstvom Allahovim određenjem, i takva duša ne boji se nikoga osim Allaha.
- Spoznaja Allaha Uzvišenog. Vjernik zna za svoga Gospodara i to znanje povećava se što se više veže za Njega, trudi se da što više nauči i sazna o Allahovim lijepim imenima, svojstvima i djelima.
- Veličanje Allaha. Što više zna o svome Gospodaru, vjernik sve više osjeća poštovanje prema Allahu Uzvišenom, povećava se nada u Njegovu milost i ljubav prema Njemu, povećava se strah i strahopoštovanje prema Njemu.
- Svjesnost o Allahovoj dobroti koju je ukazao Svojim robovima jer im je poslao poslanike i objavio knjige kako bi krenuli putem istinske vjere.
- Ljubav prema melecima zbog njihove ljubavi prema Allahu i pokornosti Njemu.
- Ljubav prema poslanicima. Allah ih je odabrao kako bi prenijeli Njegovu poslanicu ljudima.
- Ustrajnost u obavljanju ibadeta. Sve što je iman jači, povećavaju se i ibadeti.
- Ugodan život. Vjernik je zadovoljan onim što mu je Allah odredio, svjestan je da se njegovi stepeni povećavaju sa povećanjem iskušenja na ovom svijetu, koji su uzrok opraštanja grijeha i povećanja nagrade koju mu je Allah pripremio na budućem svijetu.
- Uklanjanje praznovjerja. Imanom se razotkrivaju i uklanjaju mnoga praznovjerja.
- Ulazak u Džennet. To je mjesto vječnog života, koje je Allah pripremio za Svoje pokorne robove.



Moje bilješke

Navedi neke plodove imama koje si osjetio nakon što si primio islam.

Blank lined area for writing notes.



Pitanja za utvrđivanje gradiva

1

Vjerovanje u poslanike podrazumijeva vjerovanje u poslanstvo isključivo poslanika Muhammeda.

Tačno

Netačno

2

Nakon što ste pogledali video "Ko je Allah", razgovarajte o veličini Tvorca.

.....

.....

.....

.....

.....

.....

.....

.....



Skeniraj bar-kod

3

Pogledaj video "Šest stubova vjere" i navedi kakav je utjecaj ostavio na tvoje vjerovanje u svaki od sastavnih dijelova imana.

.....

.....

.....

.....

.....

.....

.....

.....



Skeniraj bar-kod


Lični kalendar

	Cilj učenja	Razina ocjene			
		Ne	Slabo	Dobar	Odličan
1	Da li si došao do odgovora na pitanja o čovjekovom postojanju?				
2	Da li možeš u kratkim crtama objasniti vjeru islam?				
3	Da li znaš koji je to način ulaska u islam?				
4	Da li razumiješ značenje dva šehadeta?				
5	Da li možeš objasniti na šta obavezuju riječi šehadeta?				
6	Da li znaš koji su ruknovi imana?				
7	Možeš li objasniti šta znači vjerovanje u Allaha Uzvišenog?				
8	Možeš li objasniti značenje vjerovanja u meleke?				
9	Možeš li objasniti značenje vjerovanja u objavljene knjige?				
10	Možeš li objasniti značenje vjerovanja u poslanike?				
11	Možeš li objasniti značenje vjerovanja u Sudnji dan?				
12	Možeš li objasniti značenje vjerovanja u određenje?				
13	Znaš li ispravno izgovoriti dva šehadeta?				
14	Znaš li kako novi musliman može da ojača svoje vjerovanje?				
15	Osjećaš li u srcu ljubav prema islamu?				




Drugi dio

Kur'an plemeniti



Nastavne jedinice

- 1 Upoznaj se sa Kur'anom
- 2 Tumačenje kratkih sura





Prvo predavanje

Upoznaj se sa Kur'anom

Uvod

Kada je Allah slao poslanike njihovim narodima, da ih pozivaju u ispravno vjerovanje, podario im je i određene nadnaravnosti koje su za cilj imale da potvrde poslanstvo i istinitost vjerovjesničke misije. Te nadnaravnosti prestajale su prestankom poslanstva ili smrću poslanika. Allah je Poslaniku islama podario posebnu nadnaravnost, Knjigu časnu, namijenjenu ljudima koji su živjeli u njegovo vrijeme, ali i cijelom čovječanstvu nakon smrti Poslanika, i Allahovom odredbom ta nadnaravnost trajat će do kraja svijeta.

Šta je Kur'an?

Kur'an je Allahov govor objavljen poslaniku Muhammedu i predstavlja zadnju Allahovu knjigu, nakon koje više neće biti objava.

Vrijednost učenja Kur'ana

- Rekao je Allahov Poslanik: "Ko prouči jedan harf, slovo, iz Allahove Knjige, Kur'ana, za to će imati jedno dobro djelo, a dobro djelo nagrađuje se deseterostruko. Ne kažem da je 'elif lam mim' harf, nego je i 'elif' harf i 'lam' je harf i 'mim' je harf." (Tirmizi, 2910) .
- Poslanik je također rekao: "Učite Kur'an, jer će on doći na Sudnjem danu da se zauzima za svoga učača." (Muslim, 804).

Objavljene knjige jesu knjige koje je Allah objavio preko Svojih poslanika.

Musliman vjeruje da su ove knjige objava od Uzvišenog Allaha i da je On u njima objavio ono što je bitno za nas. Neke od tih knjiga su: Zebur, objavljen poslaniku Davudu, Tevrat, objavljen poslaniku Musau, Indžil, objavljen poslaniku Isau. Nažalost, ove su knjige tokom vremena iskrivljene i promijenjene.

Kur'an je hrana za dušu i razum

Kur'an časnici obraća se podjednako ljudskom razumu i ljudskim dušama.

Kada se kaže da se obraća razumu, to podrazumijeva da:

- navodi na razmišljanje o pitanju stvaranja, kao što kaže Uzvišeni: "Da Zemljom i nebesima upravljaju drugi bogovi, a ne Allah, poremetili bi se. Pa neka je uzvišen Allah, Gospodar svemira, od onoga što Mu pripisuju!" (El-Enbija, 22);
- i poziva na spoznaju i razmišljanje o dokazima, kao što kaže Uzvišeni: "Eto, tako vam Allah objašnjava propise da biste razmislili" (El-Bekara, 219);
- i upućuje kritiku onima koji ne koriste razum i koji ne razmišljaju: "Misliš li ti da većina njih hoće da čuje ili da nastoji shvatiti? Kao stoka su oni, čak su još dalje s Pravog puta skrenuli" (El-Furkan, 44).

Kada se kaže da se obraća ljudskim dušama, to podrazumijeva da:

- navodi na istraživanje osjećanja i emocionalnih stanja: "Ima ljudi koji su mjesto Allaha kumire prihvatili, vole ih kao što se Allah voli, ali pravi vjernici još više vole Allaha" (El-Bekara, 165);
- podsjeća na ljudska osjećanja, ukazujući na dobre i loše učinke. Uzvišeni kaže: "...i svakako ćeš naći da su vjernicima najbliži prijatelji oni koji govore: 'Mi smo kršćani', zato što među njima ima svećenika i monaha i što se oni ne ohole" (El-Maida, 82);
- poziva da se prema drugima ophode nježno i ljubavno. Uzvišeni kaže: "Na put Gospodara svoga mudro i lijepim savjetom pozivaj i s njima na najljepši način raspravljaj! Gospodar tvoj zna one koji su zalutali s puta Njegova, i On zna one koji su na Pravome putu" (En-Nahl, 125);
- ukazuje na to da je znak imana prihvatanje propisa Kur'ana: "I vi ste prije bili kao oni, pa vam je Allah darovao milost Svoju" (En-Nisa, 94);
- koristi izraze koji ostavljaju trag na dušu i usmjeravaju je na iskrenost: "Zar vam ne bi bilo drago da i vama Allah oprost?" (En-Nur, 22)

Nekada se u jednom ajetu obraća i razumu i duši, raspravlja sa razumom i uvjerava ga i u isto vrijeme podstiče na emocije. Uzvišeni kaže: "O ljudi, sjetite se milosti kojom vas Allah obasipa. Postoji li, osim Allaha, ikakav drugi stvoritelj koji vas sa neba i iz zemlje opskrbljuje? Osim Njega nema drugog boga, pa kuda se onda odmećete?" (Fatir, 3)

Diskusija



Da li si prije primanja islama imao priliku da čuješ neki ajet iz Kur'ana? Kakav su trag ostavili na tebe?

.....

.....

.....

.....

.....

.....

.....

.....

Kur'an je program života

Kur'an je govor Gospodara svjetova, Koji je stvorio sve ljude. On ih najbolje poznaje i zna šta im može biti od koristi i zna šta im može štetiti. Allah je odredio da Kur'an bude pečat svih objava, knjiga života, koja ljudima pokazuje kako da žive na ovom svijetu.

O tome govore naredni pasusi:

- Uređenje društvenog života. Kur'an se bavi ljudskim životom i to na tri nivoa: ličnom, porodičnom i društvenom.
- Tematska sveobuhvatnost. Kur'an govori o vjerovanju, obredoslovlju, ophođenju, međuljudskim i materijalnim odnosima, o ratu i miru i mnogim drugim pitanjima.
- Pravda. Kur'an je knjiga koja naređuje pravdu u svim segmentima života, pa čak i pravdu prema neprijateljima, i zabranjuje nepravdu u svim oblicima.



Plemeniti Kur'an predstavlja životni program vjernika, ukazuje na njihova prava i obaveze, određuje šta im pripada, a šta ne pripada. S obzirom na to da je Kur'an fleksibilan, on vrijedi za svako vrijeme i za svako mjesto.



Musliman treba da teži tome da što više uči Kur'an i da se upozna sa njegovim propisima.

Kur'anska kazivanja o poslanicima

Kur'an je prepun kazivanja o prijašnjim poslanicima i njihovim narodima. Započinje kazivanjem o Ademu, nastavlja kazivanjem o Nuhu, Hudu, Salihu, Šuajbu, Ibrahimu, Ismailu, Ishaku, Jakubu, Musau, Isau i drugim poslanicima i vjerovjesnicima.

Kur'an navodi ova kazivanja kako bismo uzeli pouke, od kojih ćemo neke navesti.

- Vjera svih poslanika bila je jedna vjera: vjerovali su u jednoću Allaha Uzvišenog.
- Kur'anska kazivanja predstavljala su podršku poslaniku Muhammedu na putu poziva u vjeru, jer ono što se dešavalo njemu već se desilo i poslanicima prije njega.
- Podrška vjernicima, jer moramo da znamo da su se iskušenja dešavala i najodabranijim ljudima na ovom svijetu.
- Uzimanje primjera i pouka iz ovih kazivanja jer ona su bila stvarna i istinita.



Vježba

Svaki od sljedećih izraza stavi na odgovarajuće mjesto:

Zalagat će se za onoga ko ga uči

Allahov govor

Poziva na razmišljanje i djelovanje u skladu sa razumom

Naređuje ljubaznost i blagost prilikom poziva

Zadnja objavljena knjiga


Koristi upečatljive izraze

Objavljen je poslaniku Muhammedu

Svojstva Kur'ana:

Vrijednost Kur'ana:

Kur'an plemeniti



Najvažnije teme koje se navode u Kur'anu:

- jednoća Uzvišenog Allaha i ukazivanje na pogubnost mnogoboštva;
- stvaranje svemira koji ukazuje na Njegovo savršenstvo;
- kur'anska kazivanja koja obiluju poukama i porukama;
- stvaranje stvorenja, proživljenje nakon smrti, nagrada za djela;
- poziv na obrazovanje i propisi za vjernike.



Pitanja za utvrđivanje gradiva

1

Kur'an se obraća razumu tako što ga navodi na razmišljanje o problemima.

Tačno

Pogrešno

2

Zašto je Allah objavio Kur'an?

3

Posjetite web portal "alnaba.ws" i navedite dokaze koje ste pročitali a koji govore o autentičnosti Kur'ana, također navedite neke od primjera nadnaravnosti kur'anskog teksta.

4

Kome je Allah objavio Kur'an?

a) svim poslanicima

b) poslaniku Muhammedu

Drugo
predavanje

Tumačenje kratkih sura

Uvod

Najveličanstvenija sura u Kur'anu jeste sura El-Fatiha. U mnogim hadisima Božijeg Poslanika govori se o njezinoj veličini i važnosti. Svaki musliman dužan je da je nauči napamet jer ona je jedina sura koja se mora učiti na svakom namazu. Tokom ovog predavanja upoznat ćemo se sa ovom surom, naučiti napamet njezine ajete i njihovo značenje.

Sura El-Fatiha

Značenje sure

﴿بِسْمِ اللَّهِ الرَّحْمَنِ الرَّحِيمِ﴾ U ime Allaha, Milostivog, Samilosnog: učenje Kur'ana počinje se u ime Allaha i traženjem Njegove pomoći i zaštite. Ovim riječima ukazuje se na to da je Allah jedino istinito božanstvo kojem pripada svojstvo milosti koje obuhvata sva Njegova stvorenja. On je Samilosni, i to je posebna vrsta milosti koja je namijenjena isključivo vjernicima.

﴿الْحَمْدُ لِلَّهِ رَبِّ الْعَالَمِينَ﴾ Riječima: "Tebe, Allaha, Gospodara svjetova, hvalimo" iskazuje se zahvala Allahu na svim Njegovim svojstvima i na Njegovim blagodatima kojima obasipa sva stvorenja. On je jedini koji zaslužuje da bude hvaljen, On je gospodar svih stvorenja koja je stvorio nakon Adema, On je taj koji zna njihove potrebe i njihova stanja.



﴿الرَّحْمَنِ الرَّحِيمِ﴾ Milostivi: obuhvata milost prema svim stvorenjima. Samilosni: obuhvata posebnu vrstu milosti koja je namijenjena isključivo vjernicima.



Milostivi: prema svim stvorenjima



Samilosni: isključivo prema vjernicima

﴿مَلِكِ يَوْمِ الدِّينِ﴾ Vladara Dana sudnjeg: Vlarar Sudnjeg dana, Dana obračuna i dodjele nagrada i kazne.

﴿إِيَّاكَ نَعْبُدُ وَإِيَّاكَ نَسْتَعِينُ﴾ Tebi se klanjamo i od Tebe pomoć tražimo: obožavamo Tebe Jednog Jedinog, Gospodar naš, od Tebe pomoć tražimo u svemu, sve stvari su u Tvojjoj ruci.

﴿أَهْدِنَا الصِّرَاطَ الْمُسْتَقِيمَ﴾ Uputi nas na Pravi put: ukaži nam na Pravi put i učvrsti nas na njemu sve dok se ne susretnemo s Tobom. Pravi put je islam, jasan put koji vodi ka Allahovom zadovoljstvu i Džennetu.

﴿صِرَاطَ الَّذِينَ أَنْعَمْتَ عَلَيْهِمْ غَيْرِ الْمَغْضُوبِ عَلَيْهِمْ وَلَا الضَّالِّينَ﴾ ...na put onih kojima si milost Svoju darovao, a ne onih koji su protiv sebe srdžbu izazvali, niti onih koji su zalutali: put onih kojima si milost Svoju darovao jeste put poslanika, onih koje si blagoslovio uputom, i svih onih koji ih slijede, a oni su skupina upućenih i ustrajnih.

Udalji nas od onih na koje si se rasrdio jer oni su spoznali istinu, ali nisu postupali u skladu sa istinom, i udalji nas od puta onih koji su zalutali, koji nisu na pravome putu zbog svog neznanja.

Dijalog



Na koji način naučiti napamet suru El-Fatiha?

.....

.....

.....

.....

.....

.....

.....

.....

Sura El-Ihlas


Značenje sure

﴿قُلْ هُوَ اللَّهُ أَحَدٌ﴾ Rec: "On je Allah – Jedan!": Reci, o Poslaniče, onome ko te upita da mu opišeš Gospodara: On je Allah Jedini, dostojan vjerovanja i obožavanja, nema drugog boga osim Njega.

﴿اللَّهُ الصَّمَدُ﴾ Allah je Utočište svakom: On je Allah, potpun u svim svojim svojstvima, Onaj Koji ispunjava sve potrebe Svojih stvorenja.

﴿لَمْ يَلِدْ وَلَمْ يُولَدْ﴾ Nije rodio i rođen nije: On je Allah, Koji nema dijete, ni sina ni kćerku, nema roditelje, ni oca ni majku.

I niko Mu ravan nije: niko Mu nije sličan od stvorenja, ni u Njegovoj suštini, ni u Njegovim imenima, ni u Njegovim svojstvima, ni u Njegovim djelima.




Sura El-Felek

Značenje sure

﴿قُلْ اَعُوْذُ بِرَبِّ الْفَلَقِ﴾ Rec: "Utječem se Gospodaru svitanja...": Reci, o Poslaniče: Tražim utočište kod Allaha, Gospodara svitanja.

﴿مِنْ شَرِّ مَا خَلَقَ﴾ ...od zla onog što On stvara...: od svakog zla koje stvaraju stvorenja, vidljivog i nevidljivog.

﴿وَمِنْ شَرِّ غَاسِقٍ اِذَا وَقَبَ﴾ ...i od zla mrkle noći kada razastre tmine...: i od zla noći kada svojom tamom sve prekrije, i od svakog zla i uznemiravanja koje se u noći krije.



El-gask: noćna tmina



Svitanje: dolazak jutra

﴿وَمِنْ شَرِّ النَّفَّاثَاتِ فِي الْعُقَدِ﴾ ٤ ﴿وَمِنْ شَرِّ حَاسِدٍ إِذَا حَسَدَ﴾ ٥ ...i od zla smutljivca kad smutnje sije...: od zla sihirbaza koji pušu i koji prave djela sihra;

...i od zla zavirljivca kad zavist ne krije!: i od zla zavirdljivca koji želi da nestane blagodat kod onog kome zavird i da ga zadesi nesreća.


Sura En-Nas

Značenje sure:

﴿قُلْ أَعُوذُ بِرَبِّ النَّاسِ﴾ ١ Reci: "Tražim zaštitu Gospodara ljudi": O Poslaniče, traži zaštitu i utočište kod Allaha, Gospodara ljudi, Koji je jedini u mogućnosti da učini sve.

﴿مَلِكِ النَّاسِ﴾ ٢ ﴿إِلَهِ النَّاسِ﴾ ٣ Vladara ljudi: Vladara svih ljudi, Onoga Koji uređuje sva njihova djela.

Boga ljudi: Boga svih ljudi, jedinog koji zaslužuje da bude obožavan.



﴿مِنْ شَرِّ الْوَسْوَاسِ الْخَنَّاسِ﴾ ٤ ...od zla šejtana napasnika...: od uznemiravanja šejtana koji prilazi ljudima u trenucima nemara, a čim Allaha spomenu, ostavi ih na miru.

﴿الَّذِي يُوَسْوِسُ فِي صُدُورِ النَّاسِ﴾ ٥ ...koji zle misli unosi u srca ljudi...: onaj koji u srca ljudi unosi zle misli, koji želi da manipuliše njihovim osjećanjima i mislima.

﴿مِنَ الْجِنَّةِ وَالنَّاسِ﴾ ٦ ...od džina i od ljudi: od šejtana džina i ljudi.

Sura El-Kafirun

Značenje sure

﴿قُلْ يَا أَيُّهَا الْكَافِرُونَ﴾ "Reci: 'O vi nevjernici...': Reci, o Poslaniče, onima koji ne vjeruju u Allaha i Njegovog Poslanika: "O vi nevjernici u Allaha".

﴿لَا أَعْبُدُ مَا تَعْبُدُونَ﴾ ...ja se neću klanjati onima kojima se vi klanjate...: ja se neću klanjati onima lažnim bogovima, poput kipova i sličnim njima.

﴿وَلَا أَنْتُمْ عِبَادُونَ مَا أَعْبُدُ﴾ ...a ni vi se nećete klanjati Onome Kome se ja klanjam: vi se nećete klanjati Bogu istinitom, Kojem se ja klanjam, On je jedini koji zaslužuje da Mu se ibadet čini.

﴿وَلَا أَنَا عَابِدٌ مَّا عَبَدْتُمْ﴾ Ja se nisam klanjao onima kojima ste se vi klanjali...: ja se nisam klanjao lažnim božanstvima kojima ste se vi klanjali.

﴿وَلَا أَنْتُمْ عِبَادُونَ مَا أَعْبُدُ﴾ ...a ni vi se nećete klanjati Onome Kome se ja klanjam: vi se nećete klanjati Bogu istinitom, Kojem se ja klanjam, On je jedini koji zaslužuje da Mu se ibadet čini.

﴿لَكُمْ دِينُكُمْ وَلِيَ دِينِ﴾ Vama – vaša vjera, a meni – moja vjera: vama vaša vjera koju ste prihvatili, a meni moja vjera koju sam prihvatio.



Nevjernik je osoba koja ne vjeruje u jednoga Boga i ne potvrđuje poslanstvo Allahovog Poslanika.

Diskusija

O čemu se govori u surama El-Felek i En-Nas?



.....

.....

.....

.....

.....

.....

.....

.....

Sura El-Kevser

Značenje sure

﴿إِنَّا أَنْعَمْنَا عَلَى الْكَوْثَرِ﴾ Mi smo ti, uistinu, mnogo dobro dali...: O Allahov Poslaniče, Mi smo ti dali mnoga dobra kojima nema broja niti im ima kraja ni na ovom ni na budućem svijetu. Jedno od tih dobara jeste i Kevser, rijeka u Džennetu.

﴿فَصَلِّ لِرَبِّكَ وَأَنْحَرْ﴾...zato se Gospodaru svome moli i kurban kolji...: iskreno svome Gospodaru obavljaj namaz i kolji kurban, obožavaj samo Njega i ne pripisuj Mu druga, prilikom klanja spomeni Njegovo ime i ne spominji nikog drugog, iz zahvale Njemu, Onome Koji ti je podario tolike blagodati i dobro.

﴿إِنَّ شَانِئَكَ هُوَ الْأَبْتَرُ﴾...onaj koji tebe mrzi sigurno će on bez spomena ostati: ako te uznemiri onaj koji mrzi i tebe i vjeru s kojom si poslat, takav će biti ponižen i nikada neće biti spomenut po dobru.



Izraz "šanieke – koji tebe mrzi" odnosi se na onoga koji mrzi i Poslanika i vjeru s kojom je poslat.


Sura El-Asr

Značenje sure

﴿وَالْعَصْرِ﴾ "Tako Mi vremena...": Allah se zaklinje vremenom u kojem sinovi Ademovi čine djela, dobra i loša.

﴿إِنَّ الْإِنْسَانَ لِفِي خُسْرٍ﴾ ...čovjek, doista, gubi...: stvorenja su na gubitku i u propasti.

﴿إِلَّا الَّذِينَ ءَامَنُوا وَعَمِلُوا الصَّالِحَاتِ وَتَوَّصُوا بِالحَقِّ وَتَوَّصُوا بِالصَّبْرِ﴾ ...samo ne oni koji vjeruju i dobra djela čine, i koji jedni drugima istinu preporučuju i koji jedni drugima preporučuju strpljenje: osim oni koji vjeruju u Allaha i koji dobra djela rade, i preporučuju jedni drugima ustrajnost na istini i da budu strpljivi na tom putu.



Utvrđivanje gradiva

	Cilj učenja	Razina ocjene			
		Ne	Slabo	Dobar	Odličan
1	Možeš li objasniti šta je Kur'an?				
2	Možeš li zamisliti odnos između Kur'ana i života?				
3	Znaš li zašto Allah navodi kazivanja o poslanicima u Kur'anu?				
4	Razumiješ li značenje sure El-Fatiha?				
5	Razumiješ li značenje sure El-Ihlas?				
6	Razumiješ li značenje sure El-Felek?				
7	Razumiješ li značenje sure En-Nas?				
8	Razumiješ li značenje sure El-Kafirun?				
9	Razumiješ li značenje sure El-Kevser?				
10	Razumiješ li značenje sure El-Asr?				
11	Da li si u stanju da ispravno pročitaš suru El-Fatiha?				
12	Da li si naučio napamet suru El-Fatiha?				
13	Da li možeš pravilno pročitati suru El-Ihlas?				

	Cilj učenja	Razina ocjene			
		Ne	Slabo	Dobar	Odličan
14	Da li si naučio napamet suru El-Ihlas?				
15	Da li možeš pravilno pročitati suru El-Felek?				
16	Da li si naučio napamet suru El-Felek?				
17	Da li možeš pravilno pročitati suru En-Nas?				
18	Da li si naučio napamet suru En-Nas?				
19	Da li možeš pravilno pročitati suru El-Kafirun?				
20	Da li si naučio napamet suru El-Kafirun?				
21	Da li možeš pravilno pročitati suru El-Kevser?				
22	Da li si naučio napamet suru El-Kevser?				
23	Da li možeš pravilno pročitati suru El-Asr?				
24	Da li si naučio napamet suru El-Asr?				
25	Da li su ti poznata značenja sura koje smo učili?				



Nastavne jedinice

- 1 Learn about the Holy Qur'an
- 2 The Interpretation of Short *Surahs*

Treća cjelina

Obredoslovlje



Nastavne jedinice

- 1 Ibadet
- 2 Čistoća
- 3 Abdest
- 4 Kupanje
- 5 Propisi vezani za ženu
- 6 Namaz
- 7 Zekat
- 8 Post
- 9 Hadž





Prvo
predavanje

Ibadet

Uvod

Tokom svoga života musliman obavlja veliki broj različitih ibadeta kojima želi da se približi svome Gospodaru. Svrha ibadeta jeste obožavanje i veličanje samo Uzvišenog Allaha. Koliko god je srce vjernika više vezano za Allaha, toliko će se to odraziti na njegovu vanjštinu. Istinski vjernik jeste onaj koji je sve svoje poslove i radnje posvetio isključivo radu u ime Allaha, i to je sve u skladu sa Allahovim riječima: "Reci: 'Klanjanje moje, i obredi moji, i život moj, i smrt moja doista su posvećeni Allahu, Gospodaru svjetova, Koji nema saučesnika; to mi je naređeno i ja sam prvi musliman'" (El-En'am, 162–163).

U toku narednih predavanja saznat ćemo šta znači pojam ibadet, koje su vrste ibadeta, uslovi da bi bili primljeni i koji su to stepeni ibadeta.

Značenje ibadeta

Ibadet podrazumijeva radnje koje je Allah Uzvišeni propisao i kojima se musliman približava Njemu. Ibadet je pojam koji obuhvata sve radnje i riječi, koje je Allah naredio ili o kojima se pohvalno izrazio i koje On voli, bez obzira da li su to praktična djela, poput namaza, zekata ili hadža, ili skrivene, srčane radnje, kao što je ljubav prema Allahu, Njegovom Poslaniku, Allah mu mir i spas darovao, strahopoštovanje prema Svemogućem, pouzdanje u Njega, traženje pomoći i podrške od Njega Silnoga. Vjernik uz dobru namjeru može da promijeni navike u ibadete, kao što je konzumiranje hrane i pića, spavanje: ako mu je namjera da se time približi Allahu, Allah će ga tako i nagraditi.

Vrste ibadeta

Dvije su vrste ibadeta:



Ibadeti srca

Musliman ih izvršava srcem, kao što su ljubav, strah, nada i skrušenost.



Tjelesni ibadeti

Ove ibadete musliman izvršava pokretima, a primjer su namaz i hadž.



Ibadet ostavljanja
zabranjenog

Musliman se približava svome Gospodaru ostavljanjem onoga što je zabranjeno, kao što je ostavljanje pijenja alkohola, bluda, ili ostavljanje nekih dozvoljenih stvari u određenim vremenima, poput ostavljanja hrane i pića tokom posta.

Nada predstavlja radovanje Allahovoj dobroti, težnju za Njegovom nagradom, i zbog toga se ulaže trud i oslanja na Allaha.

Skrušenost je stanje smiraja u kojem se duša nalazi kada se obavlja neki ibadet, poput namaza i slično. Skrušenost srca ostavlja trag na tijelu: odiše mirnoćom i smirajem.

Rijaluk podrazumijeva da musliman obavlja neki od ibadeta sa namjerom da bi ga ljudi vidjeli i sa željom da ga hvale zbog činjenja tih djela.

Uvjeti ispravnosti ibadeta

Da bi neki ibadet bio ispravan i primljen, kabul kod Allaha Uzvišenog, mora ispuniti dva uvjeta: prvi, činjenje ibadeta iskreno radi Allaha Uzvišenog, ne pridružujući Mu druga u tome, i bez licemjerstva, rijaluka; drugi, usklađenost ibadeta sa sunnetom – praksom Allahovog Poslanika i na način kako je to on, Allah mu mir i spas darovao, činio.

Diskusija

U kakvom će se stanju naći osoba koja nije iskrena prema Allahu?

.....

.....

.....

.....

.....

.....

.....

.....



Stepeni ibadeta

Ibadeti se razlikuju po stepenima, od kojih su:

- ibadeti koji su obligatna dužnost, obaveza svakog muslimana, poput namaza.
- Ima ibadeta koji su obavezni za samo neke muslimane, poput davanja zekata, jer to je obaveza imućnom, ali ne i siromahu.
- Ima ibadeta koji nisu obavezni, ali su pohvalni, kao što su dove i zikrovi koji se izgovaraju nakon namaza.



Vježba

Svaki ibadet stavi na njemu odgovarajuće mjesto shodno stepenu važnosti:



Obaveza svakog muslimana:

Obaveza samo za neke muslimane:

Poželjno za obaviti, ali nije obavezno:



Pitanja za utvrđivanje gradiva

1

Nakon što pogledate video "Zašto se predajem Allahu", razgovarajte o osjećanjima ljudi koji se iskreno predaju Allahu i koji svoja djela rade isključivo u ime Allaha.

.....

.....

.....

.....

.....

.....

.....

.....

.....

.....

.....

.....

.....

.....

.....

.....

.....

.....

.....

.....

.....

.....



Skeniraj bar-kod kako bi mogao pogledati video.

2

Da bi djelo bilo primljeno, mora biti urađeno iskreno u ime Allaha i u skladu sa propisima.

Tačno

Netačno

Drugo predavanje

Čistoća

Uvod

Islam je vjera čistoće i zahtijeva od muslimana da vodi brigu o svojoj tjelesnoj čistoći. Čistoća je dio vjere i uslov da bi neki od ibadeta bili primljeni.

U toku ovog predavanja saznat ćemo šta znači pojam čistoće u islamu, koje su vrste čistoća, naučit ćemo određene propise vezane za čistoću.

Značenje čistoće

Čistoća

Obožavanje Allaha Uzvišenog

Podrazumijeva se izvršavanje djela pokornosti Allahu Uzvišenom i približavanje Njemu.

Otklanjanje nečistoća

Pod nečistoćom se u šerijatu podrazumijevaju tjelesne izlučevine, poput velike i male nužde, mjesečnog pranja kod žena.

Uklanjanje nečistoća

To su nečistoće koje je obaveza ukloniti i očistiti, poput čišćenja nakon obavljene velike ili male nužde.

Dodatak



Kako biste više saznali o pojmu čistoće i propisima, pročitajte knjigu "Čistoća u islamu" koja je prevedena na veliki broj svjetskih jezika.



Skeniraj bar-kod kako bi preuzeo knjigu.

Vrste čistoće:

Postoje dvije vrste čistoće

Materijalna (fizička) čistoća

To je uklanjanje nečistoće i čišćenje mjesta gdje se ona nalazi.

I uklanjanje svega što sprečava namaz, a to biva pranjem dijelova tijela ili pranjem cijelog tijela.



Pod abdestom se podrazumijeva pranje određenih dijelova tijela vodom.

Duhovna (apstraktna) nečistoća

Pod duhovnom čistoćom se podrazumijeva čišćenje srca od širka, kao i od mržnje i neprijateljstva prema Allahovim robovima vjericima, uključujući i druge bolesti srca. Ova vrsta čistoće nije manje bitna od prethodno navedene vrste, čak se može i reći da se čistoća tijela ne može postići ako je širk prisutan u srcu. Kaže Uzvišeni Allah: **“mnogobošci su sama pogan”**, [Et-Tevbe, 28].



Pod kupanjem se podrazumijeva pranje vodom cijelog tijela.

Čistoća će se postići uzimanjem abdesta ili kupanjem.



Prilikom pranja koristimo čistu vodu koja može da bude i morska, riječna ili jezerska voda pod uslovom da je čista.



Pitanja za utvrđivanje gradiva

Izaberi tačan odgovor!

1

Pod čistoćom se podrazumijeva:

- A. uklanjanje fiktivne nečistoće
- B. uklanjanje stvarne nečistoće
- C. sve navedeno

2

Pranje cijelog tijela naziva se:

- A. abdest
- B. kupanje
- C. tejemum

3

Čistoća se uopćeno dijeli na:

- A. fiktivnu i stvarnu čistoću
- B. abdest i tejemum
- C. abdest i kupanje



Treće predavanje

Abdest

Uvod

Uzimanje abdesta u islamu ima veliku važnost jer je usko vezan za obavljanje najvažnijeg ibadeta, a to je namaz. Zbog toga svaki musliman mora da se potruži da nauči kako se ispravno uzima abdest. U toku ovog predavanja upoznat ćemo se sa značenjem abdesta, razlozima zbog kojih se uzima i kako se uzima.

Značenje abdesta

Abdest podrazumijeva na tačno određen način pranje lica, ruku, nogu i potiranje po kosi.

Kada je obaveza uzeti abdest

Abdest se mora uzeti prilikom obavljanja određenih vjerskih radnji. Ako čovjek izgubi abdest, tj. dođe u stanje hadesa, zabranjeno mu je sljedeće:

Hades je fiktivno stanje nečistoće u kojem se može naći vjernik, a koje ga sprečava da obavi namaz. Da bi mogao da obavi namaz, u jednom slučaju dovoljno je da uzme samo abdest, a u drugom slučaju mora se okupati.



1 namaz



2 činjenje tavafa oko Kabe,



3 doticanje Kur'ana.

Kako se uzima abdest

Ako želi da uzme abdest, musliman mora da:

1

srcem donese odluku da će uzeti abdest i da izgovori: "Bismillahi! – U ime Allaha!";



2



opere šake vodom počevši sa desnom rukom;

3



ispere usta vodom (madmada) tako što će napuniti usta vodom, zatim ih zatvoriti i vodu mučkati u unutrašnjosti, a potom je izbaciti;

4



ispere nos vodom (istinšak), a to podrazumijeva ušmrkivanje i išmrkivanje vode.

5



opere lice, a njegove granice su od vrha čela, korijena kose, pa do ispod vilične kosti, a širinom od uha do uha, s tim da uši ne spadaju pod pojam lica;

6




opere ruke, desnu pa lijevu, od vrhova prstiju do iznad lakta;

7



potare mokrom rukom po glavi, s vrha čela ka potiljku, a preporučuje se da ruku vrati, ne podižući je, od potiljka ka čelu, suprotno od početnog potiranja;

8



potare uši tako što će kažiprstima potirati unutarnji dio, a palcima vanjski dio ušiju;

9



opere noge, prvo desnu pa lijevu, do članaka koje također pere.

Kada mi je obaveza da ponovim abdest?

Ako se musliman abdesti, osnova je da ima abdest sve dok mu se ne desi jedno od stanja kojima se gubi abdest.



Vježba

Stavi navedene izraze na odgovarajuće mjesto:

uzimanje Kur'ana

izlazak mokraće

namaz

spavanje

diranje spolnog organa sa strašću

činjenje tavafa oko Kabe

jedenje mesa deve

Obavezno je uzimanje abdesta:

Kvari abdest:

Potiranje – mesh po čarapama

Ako se uzme abdest, a onda se obuku čarape, dozvoljeno je potiranje po vanjskom dijelu noge, čarapama, kada se ponovo uzima abdest i nije obaveza skidanje čarapa i pranje nogu.

Za validnost mesha postoje tri uslova:

prvi,

da su čarape obuvane nakon uzimanja abdesta;

drugi:

da čarape prekrivaju stopala i članke;

treći:

potiranje je ograničeno vremenski na dvadeset četiri sata za osobu koja nije putnik i sedamdeset dva sata za osobu koja je putnik.





Pitanja za utvrđivanje gradiva

Choose the correct answer

- 1** Poredaj radnje uzimanja abdesta po propisanom redoslijedu!
- a) potiranje glave
 - b) ispiranje usta
 - c) pranje lica
 - d) potiranje ušiju
 - e) pranje nogu
 - f) pranje šaka
- 2** Označi ibadete za koje je obavezno uzimanje abdesta!
- a) namaz
 - b) post
 - c) uzimanje Kur'ana
 - d) ezan
 - e) tavaf
- 3** Odaberi tačan odgovor!
Broj stanja kojima se gubi abdest:
- a) 2
 - b) 3
 - c) 4

Uvod

Postoji nekoliko stanja kada nije dovoljno samo da se uzme abdest da bi se obavio neki ibadet, nego se mora prvo okupati. U toku ovog predavanja naučit ćemo značenje kupanja u islamu, razloge zbog kojih je kupanje obavezno i način na koji se kupanje obavlja.

Značenje kupanja

Kupanje ili gusul podrazumijeva pranje cijelog tijela vodom.

Kako se obavlja kupanje

Kupanje ili gusul podrazumijeva pranje cijelog tijela vodom uz ispiranje usta i nosa, pa ako se musliman okupa na ovakav način, otklonio je od sebe stanje velike nečistoće.

Velika nečistoća uklanja se isključivo kupanjem i nije dovoljno samo uzeti abdest. Kupanje je obavezno:

1. džunupu, tj. osobi poslije intimnog odnosa ili nakon izlaska sperme uzrokovanog strašću;
2. ženi nakon prestanka menstruacije;
3. ženi nakon prestanka poslijeporođajnog krvarenja – nifasa.



Način uzimanja gusula

Ako želi da u potpunosti uzme gusul, musliman mora da izvrši sljedeće radnje:

- 1** srcem odlučiti da će se okupati i onda vodom oprati spolni organ;
- 2** uzeti abdest
- 3** oprati vodom cijelo tijelo.

Kada je obaveza uzeti gusul

Muslimanu je obaveza da se okupa u tri slučaja:



Diskusija



U kojim je stanjima obaveza uzeti gusul da bi se otklonio veliki hades?

.....

.....

.....

.....

.....

.....

.....

.....

.....

.....

Šta je zabranjeno osobi koja je džunup?

Džunup je osoba kojoj je obaveza da se okupa – uzme gusul, zbog spolnog odnosa ili izlaska sperme, i takvom je zabranjeno sljedeće:



1 namaz,




2 tavaf oko Kabe,



3 dodirivanje ili uzimanje Kur'ana,




4 boravak u džamiji,



5 učenje Kur'ana.

Tejemum

U slučaju da musliman ne može da koristi vodu prilikom abdesta ili gusula zbog bolesti, manjka vode koja mu je potrebna za piće ili nestanka vode uopće, tada mu je dopušteno da izvrši šerijatsko obredno čišćenje prašinom koje se naziva tejemum. Način čišćenja tejemumom: udarit će šakama o prašinu jedanput, zatim će sa tragovima prašine ostalim na šakama potirati lice, pa će lijevom dlanom potirati gornji dio desne šake, a onda desnim dlanom potrat će gornji dio lijeve šake i time je tejemum završen.



Šta uraditi ako se nakon uzimanja tejemuma dođe do vode?

Ako se dođe do vode ili prestane zapreka za njeno korištenje, tada tejemum prestaje da važi i obaveza je uzeti abdest ili okupati se.



Pitanja za utvrđivanje gradiva

1

Kupanje je ispravno samo u slučaju da voda dođe do svakog dijela tijela.

- Tačno Netačno

Kupanje nije obavezno ako sperma izađe u snu, a obavezno je ako sperma izađe na javi.

- Tačno Netačno

Džunupu nije dozvoljeno da boravi u džamiji.

- Tačno Netačno

2

Dozvoljeno je uzimanje tejemuma prilikom:

- a) nemogućnosti korištenja vode
 b) nestanka vode
 c) u oba slučaja



Peto predavanje

Propisi vezani za ženu

Uvod

Allah Uzvišeni izdvojio je ženu u odnosu na muškarca posebnim osobinama i karakteristikama, i ženu je zadužio posebnim ibadetima koji nisu obavezni muškarcu. U toku ovog predavanja saznat ćemo neke od propisa koji se odnose isključivo na žene.

Status žene u islamu

- Islam je ženi dao pravo na nasljedstvo, pravedno i časno. Žena nekada dobiva jednak dio nasljedstva kao i muškarac, a nekada je različit od njegovog, shodno njenoj bliskosti sa umrlim i materijalnim obavezama koje je dužna izmiriti.
- Izjednačio je muškarca i ženu u mnogim različitim aktivnostima, u šta spadaju materijalni troškovi i poslovi.
- Ženi je dao pravo izbora bračnog druga i dao joj veliki dio odgovornosti u odgajanju potomaka. Nakon udaje ona zadržava svoje prezime kako bi ostala vezana za svoje srodnike po očevoj liniji.
- Muškarcu je stavio u dužnost da izdržava ženu bez prigovaranja, ako je od onih o kojima je obavezan da skrbi: supruga, majka ili kćerka.
- Potvrđuje čast i odličnost pomaganja nezaštićenoj ženi, koja nema nikoga svoga, makar mu i ne bila rodbina i podstiče na to. Allah ova djela smatra velikim.

Dodatak gradivu




Pogledaj video u prilogu koji govori o položaju žene u islamu i o položaju žene u drugim vjerama.



Skeniraj bar-kod

Kategorije žena

Prema tome u kakvom odnosu može biti sa muškarcem, postoji nekoliko kategorija žena:




Hidžab – pokrivanje žene

Allah propisuje hidžab ženi, a ne muškarcu, zbog ljepote koju joj je dao i drugih zavodljivih činilaca, što je čini kušnjom muškarcu više nego je muškarac kušnja njoj. Allah je propisao ženi da pred muškarcem koji joj nije mahrem pokrije čitavo tijelo osim lica i šaka. Ženi je dozvoljeno da oblači raznovrsnu i raznobojnu odjeću ako ispunjava sljedeće uvjete:

- 1.** da pokriva ono što je obaveza sakriti,
- 2.** da je široka i komotna i da ne ističe tjelesne obline,
- 3.** da nije providna,
- 4.** da nije izazovna sama po sebi.

Vrste krvi



Propisi menstruacije i nifasa

Na žene u tom stanju odnose se određeni propisi:

- Oslobođena je obaveze namaza. Žena u tim danima nije dužna ni da obavlja namaz niti je dužna da te propuštene namaze nadoknadi.
- Oslobođena je obaveze posta. Ženi u tim danima nije dozvoljeno da posti, ali je dužna da naposti propuštene dane.
- Zabranjen joj je spolni odnos. Suprugu nije dozvoljeno da ima spolni odnos sa suprugom koja ima menstruaciju ili nifasa sve dok krvarenje ne prestane i dok se ne okupa. U tim danima suprugu je dozvoljeno da razmjenjuje nježnost sa svojom suprugom ali bez spolnog odnosa.
- Propisano joj je kupanje nakon prestanka krvarenja. Kada prestane krvarenje, nakon menstruacije ili nifasa, ženi je obaveza da se okupa.

Dodatak gradivu



Da biste saznali više o poštovanju koje islam ukazuje ženi, pročitajte knjigu "Žena u hladu islama", koja je prevedena na nekoliko svjetskih jezika.



Skeniraj bar-kod kako bi preuzeo knjigu.

Diskusija

Navedi koristi koje proizlaze iz propisa koji se vežu za žene u islamu!

.....

.....

.....

.....



Pitanja za utvrđivanje gradiva

1

Islam obavezuje muškarca da izdržava ženu bez prigovora.

- Tačno Netačno

Hidžab ne mora biti komotan i širok.

- Tačno Netačno

Nakon prestanka menstruacije, žena je dužna da se okupa kako bi mogla obaviti namaz.

- Tačno Netačno

Menstruacija je krv koja istječe iz maternice žene nakon poroda.

- Tačno Netačno

2

Žena je dužna da pokrije cijelo tijelo:

- a) pred drugim ženama
 b) pred muškarcem koji joj nije mahrem
 c) pred suprugovim ocem, svekrom

Ženi je obaveza da nakon menstruacije i nifasa nadoknadi:

- a) namaz
 b) post
 c) oboje



Šesto
predavanje

Namaz

Uvod

Namaz (salat) temelj je vjere i svakodnevna veza roba sa njegovim Gospodarom i Stvoriteljem. Namaz je najveći i najvažniji oblik ibadeta Svemogućem i zbog toga je obaveza svakom muslimanu da nauči kako da obavi namaz i da ga redovno praktikuje. Allahov Poslanik podučio nas je kako da ispravno obavljamo namaz. U toku ovog predavanja saznat ćemo koji su to obavezni namazi, njihovi stepeni, uslovi i kako ih obaviti na ispravan način

Šta je namaz?

Namaz je ibadet koji se obavlja svaki dan. Sastoji se od niza riječi, dova i ajeta iz Kur'ana, i pokreta tijela kojim se rob približava svome Gospodaru. Obavlja se pet puta u toku dana i noći.

Namaz je po redoslijedu drugi temelj islama.

Status namaza

Namaz se odlikuje mnogim osobenostima, od kojih su:

- • Namaz je drugi temelj vjere nakon dva šehadeta.
- • To je ibadet koji je obaveza obavljati u svim stanjima, u stanju zdravlja i bolesti, u stanju sigurnosti i straha.
- • Namaz je ibadet kojim se pravi razlika između vjernika i nevjernika.

Zašto klanjamo?

Namaz obavljamo zato što ga je Allah propisao kao obligatnu obavezu.

Mudrosti i koristi obavljanja namaza

Namazom se izgrađuje veza između muslimana i njegovog Gospodara.

U namazu odmara dušu od ovodunjaljučkih briga.

Namaz muslimanu povećava snagu, želju i ponos.

Namaz oplemenjenjuje moral i udaljava od grijeha onoga koji ga obavlja.



Uslovi za namaz

Da bi se obavio namaz, moraju se ispuniti određeni uslovi, a to su:

- **Čistoća.** Za namaz mora biti čisto tijelo i mjesto na kojem se klanja. Tijelo mora biti čisto od fiktivne i stvarne nečistoće, a čistoća se postiže uzimanjem abdesta ili kupanjem.
- **Pokrivanje stidnog mjesta, avreta.** Avret je mjesto na tijelu koje mora biti pokriveno odjećom pred drugima. Avret muškarca, dio tijela koji mora biti pokriven tokom obavljanja namaza, jeste mjesto od pupka do koljena. Avret žene koja obavlja namaz jeste cijelo tijelo osim lica i šaka.
- **Okretanje u smjeru kible,** odnosno Kabe časne koja se nalazi u Meki. Klanjač je dužan da se prilikom obavljanja namaza okrene u tom smjeru.
- **Nastupanje vremena za namaz.** Nije ispravan namaz koji se klanja prije nego što je nastupilo njegovo vrijeme. Nije dozvoljeno da se propusti vrijeme predviđeno za određeni namaz, a najbolje vrijeme za obavljanje namaza jeste sami početak tog vremena.

Dodatak gradivu

Pogledaj film koji govori o vrijednosti namaza u produkciji "Merkez usul".



Skeniraj bar-kod kako bi pogledao film.

Pet namaza

Allah Uzvišeni propisao je vjernicima da tokom dana i noći obave pet namaza, a to su:

Namaz	Prvo vrijeme	Zadnje vrijeme	Broje rekata
Sabah-namaz	nastupanje zore	izlazak sunca	2
Podne-namaz	kad sunce iz zenita krene ka zapadu	dok sjena nekog predmeta ne bude duga koliko i sam osjenjeni predmet	4
Ikindija-namaz	dok sjena nekog predmeta ne bude duga koliko i sam osjenjeni predmet	zalazak sunca	4
Akšam-namaz	zalazak sunca	nestanak crvenila na nebu	3
Jacija-namaz	nestanak crvenila na nebu	polovina noći	4

Kako da obavim namaz?

Ako se želi obaviti namaz, mora se uraditi sljedeće:

1 Srcem donijeti odluku o obavljanju namaza.

2 Okrenuti se prema kibli, podignuti ruke u visini ramena ili malo više i izgovoriti "Allahu ekber".


3 Staviti desnu ruku na lijevu, izgovoriti početnu dovu, poput: "Subhaneke, Allahumme, ve bi hamdike, ve tebarekesmuke, ve teale džedduke, ve la ilahe gajruke". Zatim će izgovoriti: "Euzu billahi mineš-šejtanir-radžim! Bismillahir-Rahmanir-Rahim", a onda će proučiti suru El-Fatiha i izgovoriti "amin", što znači: "Allahu moj, primi moju dovu". Nakon proučene sure El-Fatiha proučit će odlomak iz Kur'ana, pa makar jedan ajet.



4 Podignut će ruke u visini ramena ili malo više i izgovoriti: "Allahu ekber" i učiniti rukū, pregibanje, stavljajući ruke na koljena, nastojeći da poravna leđa i glavu. Na rukūu će tri puta izgovoriti: "Subhane Rabbijel-Azim".



- 5** Podignut će glavu kako bi se ponovo ispravio podižući ruke u visini ramena izgovarajući: "Semiallahu limen hamideh!", potom će u stojećem položaju izgovoriti: "Rabvena ve lekel-hamd".



6

Zatim će učiniti sedždu spuštajući na tlo čelo i nos, šake, koljena i vrhove stopala i reći će: "Subhane Rabbijel-A'la!", tri puta.





7

Podignut će glavu sa sedžde i reći: "Allahu ekber" i sjesti na lijevo stopalo, a desnu će nogu u stopalu podići, držeći šake na stegnama, odmah do koljena. Tokom sjedenja reći će: "Rabbifir li".




8

Potom će učiniti drugu sedždu na isti način kao i prvi put. Dok se bude saginjao, izgovorit će: "Allahu ekber" i uradit će na drugoj sedždi isto što i na prvjoj.



9

Podignut će glavu sa sedžde i ustati na drugi rekat izgovarajući "Allahu ekber". Klanjat će drugi rekat isto kao što je klanjao i prvi rekat.



10




Kada klanjač obavi drugu sedždu na drugom rekatu, sjest će na prvo sjedenje u namazu (et-tešehhudul-evvel) i učit će: "Et-tehijjatu lillahi, ves-salavatu, vet-tajjibatu, es-selamu alejke ejjuhen-nebijju, ve rahmetullahi, ve berekatuhu. Es-selamu alejna ve ala ibadillahis-salihin. Ešhedu en la ilahe illallah, ve ešhedu enne Muhammeden abduhu ve resuluhu". Nakon toga reći će: "Allahumme, salli ala Muhammed, ve ala ali Muhammed, kema salejte ala Ibrahim, ve ala ali Ibrahim, inneke hamidun medžid. Ve barik ala Muhammed, ve ala ali Muhammed kema barekte ala Ibrahim, ve ala ali Ibrahim, inneke hamidun medžid".

11



Potom će okrenuti glavu na desnu stranu i reći: "Es-selamu alejkum ve rahmetullahi", onda će okrenuti glavu na lijevu stranu i izgovorit će isto. I ovim je završen namaz.

Na ovaj način obavlja se namaz koji ima dva rekata, poput sabah-namaza ili džuma-namaza. Ako namaz ima tri rekata, poput akšam-namaza, ili četiri rekata poput podne, ikindije ili jacija-namaza, nakon što se završi prvo sjedenje, ustaje se i nastave se klanjati preostali rekati, s tim da se nakon sure El-Fatiha ne uči odlomak iz Kur'ana. Nakon što se klanjaju preostali rekati, sjedne se kao prilikom prvog sjedenja, prouči se Ettehijatu i salavati, zatim se preda selam.





Džuma-namaz

- Allah Uzvišeni propisao je poseban namaz koji se obavlja petkom. Džuma-namaz ima posebna pravila i predstavlja zamjenu za podne-namaz koji se obavlja u drugim danima.
- Muslimani se okupljaju u džamiji kako bi obavili ovaj namaz, a imam džamije održi prigodno predavanje – hutbu, zatim predvodi namaz koji se sastoji od dva rekata učeći naglas kur’anske ajete.
- Lijepo je da se na taj dan musliman okupa, lijepo obuče i porani sa odlaskom u džamiju. Nije dozvoljeno neopravdano izostaviti džuma-namaz i ako se desi da se ne klanja, onda će se obaviti podne-namaz.
- Džuma-namaz nije obavezan ženi i putniku.

Diskusija



Razgovarajte međusobno koji su to razlozi koji muslimana mogu da spriječe da namaz obavi u prvom vremenu i kako spriječiti da se to ponovi.

.....

.....

.....

.....



“O vjernici, kada se u petak na molitvu pozove, kupoprodaju ostavite i pođite molitvu obaviti; to vam je bolje, neka znate!” (El-Džumua, 9)



Pitanja za utvrđivanje gradiva

1

Dozvoljeno je obaviti farz-namaz prije nego što nastupi njegovo vrijeme.

- Tačno Netačno

Vrijeme sabah-namaza prestaje u trenutku izlaska sunca.

- Tačno Netačno

2

Navedi dva ibadeta koji se obavljaju na dan petka.

.....
.....

Koji su to tragovi koje na muslimana ostavlja obavljanje pet dnevnih i noćnih namaza?

.....
.....

Posjetite stranicu islamicfiqh.net/en, prodiskutujte o propisu za onog koji ne obavlja namaze.

.....
.....

3

Avret, dio tijela koji mora da pokrije muškarac prilikom obavljanja namaza jeste:

- a) cijelo tijelo osim lica, šaka i stopala
 b) od pupka do koljena
 c) od ramena do stopala

Prilikom obavljanja namaza klanjač će se okrenuti prema:

- a) sjeveru
 b) jugu
 c) Kabi

Klanjač na sedždi izgovara:

- a) Subhane Rabbijel-Azim,
 b) Subhane Rabbijel-A'la,
 c) Rabbigfir li



Sedmo predavanje

Zekat

Uvod

Od kada postoji život na ovome svijetu ljudi žive u različitim socijalnim skupinama. Tako postoje bogati ljudi koji žive u izobilju i siromasi koji žive u neimaštini. Allah je tako uredio život i tako će ostati sve do njegovog kraja. Islam je propisao bogatima da moraju izdvojiti dio iz svog bogatstva i udjeliti siromasima i onima koji su u potrebi kako bi im se olakšao život i otklonile nevolje koje su ih zadesile. Vjernici se pozivaju da udijele od svog imetka više nego što su dužni i za takva djela Allah im obećava velike nagrade na ovome svijetu, a posebne nagrade čekaju ih na budućem. Musliman se treba truditi da pokazuje dobročinstvo prema siromašnima u svakom trenutku, kad god mu se ukaže prilika za to: da udijeli hranu gladnom, lijek bolesnom, odjeću onome koji je nema, a sve s ciljem da islamsko društvo živi ravnopravno bez velikih razlika među ljudima. U toku ovog predavanja naučit ćemo šta je to zekat, kako se daje, kome i iz kojeg dijela imovine.

Šta je zekat?

Zekat je obavezno godišnje izdvajanje dijela imovine koja dostigne nisab – najmanju preciziranu količinu imetka, i udjeljuje se siromahu. Predstavlja treći temelj vjere islama.

Dodatak gradivu



Pogledaj video koji govori o zekatu i koristi koju donosi društvu u produkciji "Merkez usul".




Skeniraj bar-kod kako bi pogledao video.

Zašto dajemo zekat?

Zekat dajemo u skladu sa naredbom Allaha Uzvišenog.

Mudrosti i koristi udjeljivanja zekata:



Na koju se imovinu daje zekat?



Zlato i srebro



Novac



Poljoprivredni proizvodi



Trgovačka roba



Stoka

Trgovačka roba podrazumijeva sve ono što je pripremljeno za prodaju: nekretnine, tj. zemljište, kuće, zgrade i slično, i pokretnu imovinu, tj. hrana, potrošni materijali i drugo.

Stoka: deve, krave, ovce



Kako se izdvaja zekat na novac?

Ako u vlasništvu muslimana pregodini novac u vrijednosti nisaba, 2,5% izdvojiti će se za zekat. Izdvojeni dio novca udjeljuje siromašnima i ostalima koji spadaju u kategoriju onih kojima pripada pravo na zekat.



Vježba

Stavi svaku riječ na odgovarajuće mjesto:

ručni sat

zlato i srebro

namještaj

novac

ovce

kokoši

plantaža jabuka

Muslimanu je obavezno da dadne zekat:

Ne spada u kategoriju zekata:

Diskusija

Šta bi se desilo u društvu kada bi svi bogati dali zekat?

.....

.....

.....

.....

.....



Osmo predavanje

Post

Uvod

Otkako je Allah Uzvišeni stvorio ljude, propisao im je post kao ibadet. U islamu musliman postom ispunjava jednu od strogih obaveza iskazujući time pokornost svome Stvoritelju. U toku ovih predavanja saznat ćemo šta je smisao posta kao i neke od najvažnijih propisa vezanih za post.

Šta je post?

Post je ibadet u kojem se musliman susteže od jela, pića i intimnog odnosa od pojave zore pa sve do zalaska sunca.

Post mjeseca ramazana četvrti je temelj islama.

Zašto postimo?

Musliman posti zbog pokornosti Allahu Uzvišenom izvršavajući naredbu kojom mu se naređuje post.

Mudrosti i koristi posta:

- postizanje pobožnosti povećanjem ibadeta, a umanjnjem grijehenja;
- osjećaj bola prouzrokovan gladovanjem kojim se budi saosjećanje sa siromašnima;
- oslobađanje duše od slijeđenja strasti i navikavanje na pokornost i samokontrolu.



Allah Uzvišeni post je propisao ne samo muslimanima nego i prijašnjim narodima: "O vjernici! Propisuje vam se post, kao što je propisan onima prije vas, da biste se grijeha klonili"

(El-Bekara, 183).

Šta kvari post

Tokom posta musliman je dužan da se susteže od nekih radnji, i ako učini jednu, pokvarit će post:

- 1 Jelo i piće, ali i sve ono što zamjenjuje jelo i piće, poput infuzija i slično.
- 2 Izlazak sperme bez obzira desilo se to tokom spolnog odnosa ili ne, a intimni odnos u toku posta dana ramazana smatra se velikim grijehom.
- 3 Namjerno povraćanje.

Što se tiče žena, post će im biti pokvaren

- 4 pojavom menstrualne krvi.

Mjesec ramazan

Mjesec ramazan je blagoslovljeni mjesec i deveti je po redu u hidžretskom kalendaru. U mjesecu ramazanu počela je objava Kur'ana plemenitog. Post u toku dana i obavljanje namaza tokom noći u mjesecu ramazanu razlog je za oprost grijeha. Mjesec ramazan poseban je i po jednoj noći koja je bolja od hiljadu mjeseci, a to je Noć kadr. Ko ovu noć provede u ibadetu Allah mu oprašte grijeha počinjene u proteklom periodu.



U mjesecu ramazanu, nakon jacija-namaza, klanja se poseban namaz, teravih-namaz.

Kome je dozvoljeno da ne posti u ramazanu?

Sljedećim kategorijama ljudi dozvoljeno je da ne poste mjesec ramazan:

- 1 bolesnik kome će post pogoršati stanje,
- 2 nemoćna i iznemogla osoba koja ne podnosi post zbog starosti,
- 3 putnik dok je na putu,
- 4 žena koja ima menstruaciju i ona koja je u postporođajnom ciklusu,
- 5 trudnica i dojilja koja se boji za svoje zdravlje i zdravlje djeteta.

Važne napomene vezane za post u ramazanu:



- Ko iz opravdanog razloga nije u stanju da posti napostit će svaki propušteni dan nakon ramazana.
- Ako post prekine bolesnik koji se ne nada ozdravljenju, nije dužan da nadoknadi propuštene dane, nego će za svaki dan posta nahraniti siromaha.
- Ako starija osoba nije nikako u mogućnosti da posti, za svaki dan posta nahranit će jednog siromaha.




Postać će se iftariti, prekinuti post, kada čuje ezan za akšam-namaz. Lijepo je da se na iftar pozivaju rodbina i prijatelji.



Pitanja za utvrđivanje gradiva

1

Nakon što pogledate video "Zašto musliman posti ramazan", razgovarajte o tome kakve blagodati i koristi muslimani imaju od posta.



.....

.....

.....

.....

.....

.....

.....

2

Allah je nekim kategorijama ljudi dopustio da prekinu post, pa navedite kojim i diskutujte o mudrosti te dozvole.

.....

.....

.....

.....

.....

3

Tokom posta muslimanu je obaveza da se kloni:

- a) jela i pića
- b) intimnog odnosa
- c) svega navedenog

Broj razloga koji kvare post:

- a) 2
- b) 5
- c) 4



Deveto predavanje

Hadž

Uvod

Hadž je jedan od temelja islama i predstavlja jedno od najuzvišenijih djela kojim se rob može približiti svome Stvoritelju. Na vrijednost hadža ukazao nam je Allahov Poslanik u mnogim hadisima. U toku ovog predavanja saznat ćemo mnogo toga što govori o značaju i važnosti ovog ibadeta.

Šta je hadž?

Hadž je namjera posjete Allahovog Svetog hrama u Meki radi obavljanja obreda hadža isključivo u mjesecu zulhidže, a on je posljednji mjesec u hidžretskom kalendaru.

Hadž je peti temelj vjere islama.

Hidžretski kalendar: Pod pojmom "Hidžra" podrazumijeva se preseljenje poslanika Muhammeda iz Meke u Medinu. Pravedni halifa Omer odabrao je ovaj događaj kao početak računanja vremena po islamskom kalendaru. Hidžretski kalendar sastoji se od dvanaest mjeseci, počinje mjesecom muharemom, a završava mjesecom zulhidže. Muslimani po ovom kalendaru bilježe važne događaje i datume.

Kome je obaveza da obavi hadž?

Hadž je obaveza svakom muslimanu i muslimanki, koji su u mogućnosti da ga obave, i dovoljno je obaviti ga jednom u životu. Hadž je farz, stroga obaveza svakom ko je fizički i materijalno u mogućnosti da ga obavi.

Važne napomene vezane za obavljanje hadža:



- Hadž se može obaviti na samo posebno određenom mjestu, u svetom gradu Meki, u tačno određeno vrijeme u godini.
- Musliman koji odluči da obavi hadž prije samog odlaska na put mora da nauči koji su to obredi hadža i kako se izvršavaju.




Svake godine hadž obavi grupa muslimana koja dođe iz različitih zemalja, svi su odjeveni u istu odjeću i ne može se prepoznati bogat u odnosu na siromaha.



Pitanja za utvrđivanje gradiva

1

Nakon što pogledate video "Zašto muslimani obavljaju hadž", razgovarajte o tome na koji su način obredi hadža usklađeni sa ljudskom prirodom.



.....

.....

.....

.....

.....

.....

.....

.....

.....

.....

2

Hadž se obavlja:

- a) u mjesecu ramazanu
- b) u mjesecu zul-hidže
- c) u mjesecu decembru

Muslimanu je hadž obavezan:

- a) jednom u životu
- b) dva puta u životu
- c) kad god je u prilici

Utvrđivanje gradiva

	Cilj učenja	Razina ocjene			
		Ne	Slabo	Dobar	Odličan
1	Da li shvatio značenje ibadeta?				
2	Možeš li nabrojati uslove za ibadete?				
3	Možeš li nabrojati vrste ibadeta?				
4	Da li shvatio značenje čistoće?				
5	Znaš li koje su to vrste čistoće?				
6	Možeš li objasniti kako se uzima abdest?				
7	Znaš li šta kvari abdest?				
8	Znaš li propis uzimanja mesha po čarapama?				
9	Znaš li objasniti način kupanja u islamu?				
10	Možeš li navesti koje su to obavezne radnje prilikom kupanja?				
11	Znaš li šta je zabranjeno džunupu?				
12	Koje su to vrste krvi koje se pojavljuju kod žena?				
13	Koji su to najvažni propisi vezani za ženu za vrijeme menstruacije ili nifasa?				
14	Šta je namaz?				
15	Zašto klanjamo?				
16	Koji su uslovi za namaz?				
17	Možeš li nabrojati pet dnevnih i noćnih namaza?				
18	Znaš li kako se obavlja namaz?				
19	Koji su propisi vezani za džuma-namaz?				

	Cilj učenja	Razina ocjene			
		Ne	Slabo	Dobar	Odličan
20	Šta je zekat?				
21	Zašto dajemo zekat?				
22	Iz čega se izdvaja zekat?				
23	Koji su uslovi za davanja zekata?				
24	Kome se daje zekat?				
25	Šta je post?				
26	Zašto postimo?				
27	Koji je to obavezni post?				
28	Šta kvari post?				
29	Kome je dozvoljeno da ne posti u mjesecu ramazanu?				
30	Šta je hadž?				
31	Zašto se obavlja hadž?				
32	Kome je obaveza da obavi hadž?				
33	Da li znaš da na ispravan način uzmeš abdest?				
34	Da li znaš da se na ispravan način okupaš?				
35	Znaš li na ispravan način da obaviš namaz?				
36	Osjetiš li koliko je vjera islam lahka i tolerantna?				



Četvrti dio

Propisi islama



Nastavne jedinice

- 1 Odijevanje
- 2 Jelo i piće
- 3 Poslovni i materijalni odnosi
- 4 Moral





Prvo predavanje

Odijevanje

Uvod

Odjeća je jedna od Allahovih blagodati koje je podario ljudima. Uzvišeni je kazao: "O sinovi Ademovi, dali smo vam odjeću koja će pokrivati stidna mjesta vaša, a i raskošna odijela, ali, odjeća čestitosti, to je ono najbolje." (El-A'raf, 26)

U toku ovog predavanja upoznat ćemo se sa propisima odijevanja u islamu.

Principi odijevanja

Osnovni princip odijevanja jeste princip dozvoljenosti, tj. ništa nije zabranjeno osim onoga što je zabranjeno po Kur'anu ili praksi Božijeg Poslanika.

Osnova u propisu odijevanja jeste dozvoljenost i ništa nije zabranjeno osim uz dokaz. Za sve vrste odjeće koja je zabranjena postoji dokaz iz Kur'ana ili sunneta za njihovu zabranu.

Diskusija

Koje se potrebe zadovoljavaju odijevanjem?

.....
.....
.....
.....



Zabranjena odjeća

Allah je zabranio neke vrste odjevnih predmeta, a to su:

- odjeća koja otkriva stidno mjesto i ona koja ga ne pokriva;
- odjeća kojom se oponaša suprotni spol, kao što je odjeća kojom muškarac oponaša ženu i obrnuto;
- odjeća kojom se pokazuje oholost i gordost;
- pretjerano raskošna odjeća čija kupovina spada u rasipništvo;
- muškarcu je zabranjena odjeća od svile i ukrasi od srebra i zlata;
- odjeća koja je svojstvena nemuslimanima i oponašanje nemuslimana, kao što je odjeća fratara i svećenika.

Granica avreta kod muškarca je od pupka do koljena, a što se tiče žena, njeno tijelo je cijelo avret kada se nalazi pred muškarcem koji joj nije mahrem, dok pred ocem, suprugom, bratom, sinom može da bude kao i pred ženama, otkrivenog lica, kose, vrata, ruku, nogu.

Razgovaraj sa prijateljima o tome koju vrstu zabranjene odjeće poznajete.



Allahov Poslanik zabranio je da žene oponašaju muškarce i obrnuto. Ova zabrana uključuje i način odijevanja i način govora. Oponašanje suprotnog spola spada u velike grijeha za koje Allah žestoko kažnjava osim onoga koji se iskreno pokaje. Islam želi da se muškarac svojom prirodnošću i osobenošću razlikuje od žene, a također traži da žena bude u pravom smislu žena, a ne da oponaša muškarca.



Vježba


Odredi odjeću koja je zabranjena samo muškarcima i odjeću koja je zabranjena i muškarcima i ženama:

odjeća kojom se oponaša suprotni spol

odjeća kojom se oponaša nemusliman

odjeća oholosti i gordosti

odjeća od svile i nošenje zlata



Diskusija



Mogu li modni trendovi, običaji, tradicija ili društveno uređenje biti referenca na osnovu koje se određuje odgovarajuća odjeća za muškarca ili ženu?

.....

.....

.....

.....

.....

.....

.....



Pitanja za utvrđivanje gradiva

1

Analiziraj odjeću koja je zabranjena pa razmisli o mudrosti njezine zabrane.

.....

.....

.....

.....

.....

.....

.....

2

Odaberi ispravan odgovor!

■ Nošenje zlata zabranjeno je:

- a) muškarcu
- b) ženi
- c) djetetu

■ Muškarcu je zabranjena:

- a) odjeća od vune
- b) odjeća od svile
- c) sve navedeno



Drugo predavanje

Jelo i piće

Uvod

Jelo i piće velika je blagodat od Allaha Uzvišenog i zavređuje poseban vid zahvalnosti, a najveći vid zahvalnosti možemo iskazati tako što ćemo željeti da konzumiranjem jela i pića stječemo snagu i sposobnost da obavljamo propisane ibadete. U toku ovih predavanja upoznat ćemo se sa propisima koji su vezani za jelo i piće, kao i vrstama hrane koju je muslimanu zabranjeno konzumirati.


Osnova u pogledu jela i pića

Osnova propisa za jelo i piće jeste dozvoljenost, i nije zabranjeno od toga ništa osim što su zabranili Kur'an i Allahov Poslanik. Uzvišeni kaže: "On je za vas sve što postoji na Zemlji stvorio." (El-Bekara, 29).

Hrana i piće koji su zabranjeni

Allah Uzvišeni zabranio je neke vrste hrane i pića, od kojih su:

- Alkohol. Pijenjem alkohola gubi se razum, a čuvanje razuma predstavlja osnovni cilj islamskog zakonodavstva.
- Opojna sredstva, poput droge, jer ona uništavaju tijelo i razum.
- Meso uginule životinje ili meso životinje prilikom čijeg klanja nije spomenuto Allahovo ime.
- Meso svinje, smatra se nečistim mesom i nije dozvoljeno njegovo konzumiranje.
- Meso životinja grabljivica, poput mesa lava, tigra, orla, jastreba.
- Meso životinja koje su zaklane u ime lažnih božanstava, poput kipova i slično tome.



Ciljevi islamskog zakonodavstva: putem njih shvatamo svrhu islamskih propisa: Zašto je Allah propisao ova pravila? Zbog koje je nagrade propisano ovo pravilo?

Koji su propisi islama koji se odnose na klanje životinje?

Da bi klanje životinje bilo ispravno, moraju se ispuniti sljedeći propisi:

- 1 Osoba koja kolje mora biti musliman, židov ili kršćanin.
- 2 Alat kojim se vrši klanje mora biti namijenjeno za tu svrhu, poput noža. Zabranjena je upotreba čekića kojim se životinja ubija udarcem u glavu ili da se životinja spaljuje strujnim udarom.
- 3 Da se spomene Allahovo ime, izgovarajući: "Bismillah".
- 4 Da se presiječe ono što se mora presjeći prilikom klanja, a to je: jednjak, grlo, vene.

Koji je propis vezan za konzumiranje plodova mora?

Životinje koje žive isključivo u vodi dozvoljeno je jesti i kada su uginule, poput riba i svega drugog, bilo da žive u moru, rijeci ili jezeru.



Dozvoljeno je jesti meso divljih životinja osim grabljivica, uz uslov da se prilikom lova izgovori Allahovo ime ili ako se kolje živa životinja.



Propisi jedenja mesa u restoranima i kupovine u marketima

- 1 Nije dozvoljena konzumacija mesa životinja koje je zaklao budista, hindus ili ateista, i takvo meso je haram. Klanje može da vrši samo musliman, jevrej ili kršćanin. Ovaj propis obuhvata konzumiranje i kupovinu mesa u zemljama u kojima su većinski stanovnici nemuslimani.
- 2 Meso je halal ako je klanje izvršio musliman, jevrej ili kršćanin, shodno propisu iz Kur'ana.
- 3 Ako je životinju ubio musliman, jevrej ili kršćanin na način koji nije propisan vjerom, poput omamljivanja ili utapanja, meso te životinje je haram, zabranjeno.
- 4 Osnova je dozvoljenost mesa koje je zaklao jevrej ili kršćanin, uz uslov da se prilikom konzumiranja tog mesa mora spomenuti Allahovo ime, kao i da se ne jede to meso ako postoji halal meso na drugom mjestu.

Diskusija



Istražite sa prijateljima gradove i mjesta u vašem okruženju u kojima možete naći halal meso.

.....

.....

.....

.....



U zavisnosti od vjere, razlikuju se propisi konzumiranja mesa koje možemo naći u mesnicama i restoranima.



Pitanja za utvrđivanje gradiva

1

Razmisli o zabranjenim vrstama hrane i pića i u čemu se ogleda mudrost zabrane njihovog konzumiranja.

.....

.....

.....

.....

.....

.....

.....

2

Ako životinju zakolje jevrej ili kršćanin, dozvoljeno je jesti to meso iako prilikom klanja ne spomene Allahovo ime.

Tačno Netačno

Nije dozvoljeno jedenje mesa životinje koja je omamljena.

Tačno Netačno



Treće
predavanje

Poslovni i materijalni odnosi

Uvod


Islam je odredio i propisao cjelokupan skup propisa i zakona, koji održavaju i štite interes čovjeka i njegova poslovna, imovinska i stručno-interesna prava, bez obzira bio imućan ili siromašan, te imaju za cilj da održavaju kompaktnost i kohezivnost zajednice, njen napredak i razvoj u svim segmentima života. U toku ovog predavanja upoznat ćemo se sa propisima koji su vezani za poslovne i materijalne odnose kao i razloge zbog čega je nešto zabranjeno.

Šta su to poslovno-materijalni odnosi?

Poslovno-materijalni odnosi su odnosi u kojima se vrši robno-novčana razmjena, bez obzira na to da li se razmjena vrši u novcu, poput prodaje, ili u zamjenu za korist, poput najma, ili bez naknade, poput poklona.

Polazna osnova u poslovno-materijalnim odnosima

Osnova u poslovno-materijalnim odnosima jeste dozvoljenost, tj. ništa nije zabranjeno osim onoga što se zabranjuje Kur'anom ili sunnetom.




Osnova u poslovno-materijalnim odnosima jeste dozvoljenost, i nije ništa zabranjeno osim sa dokazom, suprotno ibadetima u kojima je osnova šerijatska propisanost, to jest, nije dozvoljeno obavljati ibadet osim ako je propisan Kur'anom ili sunnetom.

Zabranjeni poslovno-materijalni odnosi

Allah Uzvišeni zabranio je neke poslovno-materijalne odnose, a to su:

- nepravedno uzimanje novca od ljudi, obmanom, prevarom i slično tome;
- kupoprodaja pod prisilom;
- trgovina robom koja nanosi štetu zdravlju ljudi, poput trgovine alkoholnim pićima, opojnim sredstvima i slično;
- kamata, a to je pozajmljivanje određene svote novca pod uvjetom da dužnik izmiri dug uz određenu procentualnu povišicu u korist zajmodavca, npr. 5% više od toga;
- prodaja nepoznatog, odnosno robe koja se ne vidi ili nije dostupna;
- kockanje i klađenje u kojem pobjednik nepravedno uzima novac gubitnika.

Najvažniji razlog zbog kojeg su zabranjene neke finansijske transakcije:



Diskusija



Pored velikog broja novčanih i materijalnih transakcija, kako musliman može da zna šta mu je zabranjeno, a šta dozvoljeno?

.....

.....

.....

.....

.....

.....

.....



Vježba

Stavi svaki od ponuđenih izraza na odgovarajuće mjesto:

podmićivanje

prodaja alkohola

trgovanje robom koja nanosi štetu

kupovina odjeće putem interneta

prodaja vode za piće

kreditiranje uz povrat uvećanja glavnice od 10%

kockanje

Dozvoljena kupoprodaja:

Zabranjena kupoprodaja:



Kamata je strogo zabranjena zbog štete koju izaziva. Kod Allaha Uzvišenog predstavlja veliki grijeh i osoba koja se bavi kamatom na bilo koji način bit će strogo kažnjena.



Pitanja za utvrđivanje gradiva

1

Razmisli malo o zabranjenim robno-novčanim transakcijama i o mudrosti njihove zabrane.

.....

.....

.....

.....

.....

.....

.....

2

Kockanje je dozvoljeno uz saglasnost obje strane.

Tačno Netačno

Muslimanu je dozvoljeno da koristi kredit uz kamatu ako je u potrebi za tim.

Tačno Netačno



Četvrto predavanje

Moral

Uvod

Islam podstiče svoje sljedbenike da se okite lijepim moralom. U mnogim hadisima Allahov Poslanik ukazuje na važnost i značaj lijepog ponašanja, stavljajući u istu ravan neke ibadete i lijepo ponašanje. Muslimanu koji se okiti lijepim ponašanjem obećane su velike nagrade kako na ovom tako i na budućem svijetu. Tokom narednih predavanja upoznat ćemo se sa važnosti lijepog ponašanja u islamu i sa nekim pohvalnim vrlinama.

Moral u islamu

- Lijepo ponašanje zauzima uzvišeno mjesto u islamu i predstavlja jedan od ciljeva zbog kojeg je Allah poslao poslanika Muhammeda.
- Lijepo ponašanje direktno se veže za iman, vjerovanje, i vjernik sa savršenim moralom potpuni je vjernik.
- Vjernik će biti nagrađen za lijepo ponašanje kao što će biti nagrađen za namaz ili post.

Diskusija



Kakvo mora da bude ophođenje prema drugima? Ima li lijepo ponašanje utjecaj na stav drugih o islamu?

.....

.....

.....

Oblici lijepog ponašanja

Lijepo ponašanje u islamu nema samo jedan oblik ili manifest, nego mnogo njih:

- lijep odnos prema Allahu Uzvišenom, kao što su bogobožnost i iskrenost prema Allahu;
- lijep odnos prema Poslaniku, kao što je ljubav prema njemu, poštovanje, slijeđenje njegove prakse, donošenje salavata kada se spomene njegovo ime;
- lijep odnos prema islamskim propisima, kao što je izvršavanje naredbi, a klonjenje zabrana;
- lijep odnos prema samom sebi, kao što je težnja za činjenjem dobra i ostavljanje lijenosti;
- lijep odnos prema drugima, kao što je iskrenost i povjerenje;
- lijep odnos prema životinjama, kao što je pažnja i ostavljanje uznemiravanja;
- lijep odnos prema prirodi, kao što je čuvanje prirodne okoline, sadnja stabala i cvijeća.

Dodatak gradivu



Kako bi se detaljnije upoznao sa lijepim ponašanjem u islamu i njegovim odlikama, pročitaj knjigu "Islam vjera mira", koja je dostupna u prijevodu na mnogim svjetskim jezicima.



Skeniraj bar-kod kako bi preuzeo knjigu.



Lijepo ponašanje ne podrazumijeva samo lijep odnos prema ljudima, nego i prema prirodi i životinjama.



Pitanja za utvrđivanje gradiva

1

Nakon što pogledaš video "Ljepota islama", opiši u kojoj mjeri islam zadovoljava duhovne i moralne potrebe ljudskih bića.

.....

.....

.....

.....

.....



Skeniraj bar-kod kako bi pogledao video.

2

Navedi riječi Allahovog Poslanika o odlikama lijepog ponašanja.

.....

.....

.....

.....

.....

3

Lijepo ponašanje obavezno je samo prema ljudima.

Tačno

Netačno

Utvrđivanje gradiva

	Cilj učenja	Razina ocjene			
		Ne	Slabo	Dobar	Odličan
1	Šta je osnova u oblačenju?				
2	Koje su vrste odjevnih predmeta zabranjene?				
3	Šta je osnova u jelu i piću?				
4	Koja je hrana zabranjena?				
5	Koje je piće zabranjeno?				
6	Šta je osnova u poslovno-materijalnim odnosima?				
7	Koji su to poslovno-materijalni odnosi zabranjeni?				
8	Osjećate li lahkoću i toleranciju vjere islama?				

Zaključak

Na kraju, svakom onome koji se odluči da bude sljedbenik islama upućujemo sljedeće savjete:

- Potrudite se da propise vjere naučite na ispravan način, bilo da su to knjige, predavanje, kursevi.
- Postupajte u skladu sa naučenim, jer musliman je dužan da postupa u skladu sa onim što je naučio.
- Natječite se u stjecanju znanja i činjenju dobrih djela, okitite se lijepim moralom, izvršavajte propisane ibadete.
- Udaljite se od svega onoga što će umanjiti vaše vjerovanje, bilo da su to sumnje ili slijeđenje strasti.
- Tražite od Allaha da vas uputi na pravi put i da vam jasno pokaže šta je istina, a šta laž.
- Izvršavajte propise vjere koje ste u mogućnosti da izvršite jer islam stavlja u obavezu da se izvrši nešto što čovjek nije u mogućnosti da izvrši.
- Družite se sa onima koji će pozitivno utjecati na vaše vjerovanje i koji će vas pozivati da činite lijepa djela, a klonite se ljudi koji su poznati po grijehenju i nemoralu.

Zadnji test

Ime

Osvojeni broj bodova:
/40 bodova

a) Odaberi ispravan odgovor!

15 bodova

1

Allah Uzvišeni čovjeka je stvorio sličnim:

melecima

šejtanima

životinjama

svemu
navedenom

2

Čovjek je stvoren od:

vode

zemlje

vate

kamena

3

Islam nas uči da su ljudi potomci:

Ibrahima

Isaa

Adema

Muhameda

4

Kada čovjek umre, prelazi u fazu:

rada i ispita

nagrade i
obračuna

uništenja

svega
navedenog

5

Nakon poslanstva Muhameda, Allah Uzvišeni ne prima ni jednu drugu vjeru osim:

židovstva

kršćanstva

islama

hinduizma

6

Broj ruknova, temelja islama:

3

4

5

6

7

Allah Uzvišeni obavijestio nas je da će vjernicima oprostiti svako loše djelo osim:

ubistva

krađe

širka

laži

8

Svaki proučeni harf iz Kur'ana nosi:

jedno dobro djelo

dva dobra djela

sedam dobrih djela

deset dobrih djela

9

Od imena Kur'ana plemenitog su:

Zikr

Furkan

Kitab

sve navedeno

10

Šta znači riječ "kufuven" u ajetu: ﴿وَلَمْ يَكُنْ لَهُ كُفُوًا أَحَدٌ﴾:

potpun

Onaj koji se obožava

sličan

jedan

11

Šta znači riječ "el-felek" u ajetu: ﴿قُلْ أَعُوذُ بِرَبِّ الْفَلَقِ﴾:

mrkla noć

izlazak mjeseca

pojava zore, svitanje

zalazak sunca

12

Šta znači riječ: "euzu" u ajetu: ﴿قُلْ أَعُوذُ بِرَبِّ النَّاسِ﴾:

traženje utočišta i zaštite

obožavanje i približavanje

hvaljenje i spominjanje

predanost i predaja

13

Šta znače riječi "vesvasil-hannas" ﴿الْوَسْوَاسِ الْخَنَّاسِ﴾ u ajetu ﴿مِنْ نَسْرِ الْوَسْوَاسِ الْخَنَّاسِ﴾:

sihirbaz

zavidnik

šejtan

nevjernik

14

Šta znače riječi "šanieke" (شانئك) u ajetu (إن شانئك هو الأبتئر)



mrzim te



volim te



vjerujem u tebe



udaljujem se od tebe

15

Tjelesni ibadet je:



ljubav



nada



namaz



sve navedeno

b) Stavi riječ na odgovarajuće mjesto!

8 bodova

tavaf

namaz

jelo

okretanje prema kibli

mokrenje

pokrivanje stidnog mjesta

piće

spavanje

Obavezno je uzeti abdest:

Uslovi za namaz:

Kvari čistoću:

Kvari post:

c) Navedi ispravan redoslijed radnji prilikom uzimanja abdesta!

6 bodova

potiranje glave

pranje ruku do
iza lakata

pranje lica

pranje nogu

potiranje ušiju

ispiranje usta i
nosa

1

2

3

4

5

6

d) Navedi ispravan redoslijed radnji prilikom obavljanja namaza!

6 bodova

učenje sure
El-Fatiha

rukū, pregibanje
u namazu

Početni tekbir

selam

učenje Ettehijatu

sedžda

1

2

3

4

5

6

a) Stavi znak "tačno" ispred tačnog odgovora i znak "netačno" ispred pogrešnog odgovora!

5 bodova

1. Musliman obavlja hadž u mjesecu ramazanu.

2. Muškarcu muslimanu zabranjeno je da nosi zlatni nakit.

3. Muslimanima je dozvoljeno da jedu meso svinje.

4. Osnova u materijalno-finansijskim odnosima jeste dozvoljenost.

5. Na Sudnjem danu najbliži Božijem Poslaniku bit će ljudi najljepšeg morala.



Upoznat ćemo vas sa sljedećim temama:

1. Sažeti prikaz vjere islama
2. Uopćeni pregled Kur'ana plemenitog sa pojašnjenjem nekoliko kraćih kur'anskih sura
3. Sažeti prikaz obavljanja obaveznih vjerskih obreda
4. Sažeti prikaz najvažnijih propisa lijepog ponašanja i međuljudskih odnosa

Sve nastavne cjeline razrađene su kroz nastavni plan i program koji će se izvoditi tokom šest dana i svako predavanje vremenski je određeno. Kurs je uređen tako da polaznik kroz teoriju i praksu ovlada određenim gradivom i na kraju svake cjeline putem odgovora na postavljena pitanja može sam sebe da testira.

Pored test-pitanja.



osoulcenter



www.osoulcenter.com

To Download This Book, please Visit:



OSOUL
STORE

osoulstore.com

